



滇攷

卷下

滇攷卷下 至晉登萊山脈越中越中大野

元世祖平雲南 丙辰元軍大野

古有天下者皆最後始開滇惟元起西北其得雲南

也在未有天下之先史稱元憲宗二年議征西南彝

烏蠻白蠻鬼蠻諸國乃命太弟忽必烈專征以兀良

合台總督軍事秋七月丙午禡牙西行八月次臨洮

遣玉律朮王君侯王鑑諭大理不果行三年九月次

忒刺分三道以進大將兀良合台率西道兵由晏當

麗江府白蠻從四川

晏當路從

葱嶺入即


麗江府白

蠻從四川

真文

卷下

一



即今曲靖
府中道從
越雋今北
勝州

高泰祥元
史止稱高
祥

路諸王抄合也只烈率東道兵由白蠻太弟由中道
乙巳至滿陀城留輜重十月丙午過大渡河又經行
山谷二千餘里至金沙江乘革囊及筏以渡摩沙蠻
主迎降其地在大理北四百餘里十一月辛卯復遣
玉律木等使大理下西師至白蠻打郭寨其主將出
降其姪堅壁拒守攻拔殺之不及其民庚子次三甸
辛丑白蠻送款十二月丙辰軍薄大理城大理國主
段興智微弱國事皆決於相高泰祥屢戰不勝時東
路兵亦至皆登點蒼山視城中城中大懼泰祥徵兵

姚樞導之
以仁元良
父子濟之
以勇此南
裔之所以
復被聲教
也

三十七部有來援者皆為元兵阻敗始與興智謀出
避外郡圖興復興智奔善闡泰祥奔統矢命大將也
古及拔突兒追之先是詞臣姚樞從征至曲失腦兒
因夜宴為太弟言宋曹彬下江南不殺一人市不易
肆明日太弟據鞍呼曰汝昨夕言曹彬不殺吾能為
之樞即上馬賀曰聖人之心神明如此生民之幸有
國之福也至是太弟以大理拒命將屠其城樞復與
劉秉忠張文謙力諫曰拒命高泰祥耳其民何罪太
弟乃命樞裂帛為旗書止殺之令分號於眾兵入大

理人民安堵如無兵者太弟曰城破而我使不出計必死矣己未西道兵亦至命姚樞等搜訪圖籍乃得三使尸既瘞命樞爲文祭之辛酉南出龍尾城次趙賧癸亥獲高泰祥於姚州欲官之不屈因斬之而用其子高瓊高長壽等明年春太弟班師留兀良合台經略雲南地合台率衆攻合刺章水城屠之前次羅部府大酋高昇集諸部兵拒戰又大破之進至善闡興智率衆固守城際滇池三面皆水旣險且堅合台選驍勇以砲摧北門縱火攻之皆不克乃大震鼓鉦

進而作作而止使不知所爲如是者七日伺其困乏夜五鼓遣子阿木潛師躍入亂砍之遂大潰至昆澤段興智及其渠帥馬合刺昔皆降餘衆依阻山谷者分命裨將也里脫伯押真等掩其左右圍旣合合台與阿木率善射者二百騎四面進擊又攻織寨拔之至乾德哥城合台病委軍事於阿木環城立砲以草填塹衆軍始集阿木已率所部搏戰城上城遂破明年合台又率師平烏蠻諸郡凡出師三年平大理五城八府四郡烏白等蠻三十七部兵威所加無不款

滇考 卷一 三
服歲丁巳。元憲宗六年。卽宋理宗之寶佑五年也。元合良台以雲南平獻捷。并請依漢故事。以西南彝悉爲郡縣。從之。授合台銀印。加大元帥。還鎮大理。以劉時中爲宣撫使。赦段興智使領諸蠻。從合台征交趾。屠其城。經車里所部悉降之。於蠻部三十六路。四十八甸。皆設土官管轄。以大理金齒都元帥府總之。又三年。太弟卽位。是爲世祖。至元元年。爨蠻舍利畏者。倡言蒙古處北。吾等處南。聲教所不及。何以服從之。時都元帥寶合丁。又專制不善撫輯。於是東方諸爨

部並起。應之衆至三十萬。世祖聞變。命總管信苴日。與大將合兵討之。衆皆解散。惟舍利畏遁入巖箐。未獲。四年。以皇子忽哥赤爲雲南王。出鎮其地。八年。分大理三十七部爲南北中三路。十年。始置雲南行中書省於善闡。以賽典赤瞻思丁爲平章政事。十一年。命雲南宣慰司。與都元帥府並聽行省。平章節制。置郡縣尹。長選廉能者任之。是年舍利畏伏誅。十三年。更定諸路名號。改善闡爲中慶路。卽今會城也。凡爲路三十有七。府二。屬府三。州五十四。縣四十七。戶百

致治之原
在此

時蜀道尚
屬宋故往
來由番

府官無泄其事。立道聞之趨入。閹人拒之。立道怒與爭。王聞其聲使人召立道入。引其手使探口中肉。已腐矣。是夕王薨。寶合丁遂據王座。使人諷王妃索王印。立道潛結義士得十三人。約共討賊。刺臂血和金屑飲之。推一人走京師告變。事頗露。寶合丁乃囚立道。大匠提舉張忠者。燕人也。於立道爲族兄。結壯士夜劫諸獄出之。共亡至土蕃界。遇帝所遣御史大夫博羅歡。尚書別怙木兒與告變人俱來。遂與立道等還。寶合丁聞之。密以金籠賂博羅歡于道。祈勿究其

本紀火你
赤曹楨發
寶合丁事
受賞與本
傳互異

事。博羅歡遜詞謝之。既至按寶合丁及王府官嘗受賂者皆伏誅。有旨召立道等入朝。問王薨時狀。帝聞立道言泣數行下。獻欵久之。曰汝等爲我家事甚勞。苦今欲事朕乎。事太子乎。事安西王乎。惟汝意所向。立道等奏願留事陛下。於是賜立道金五十兩。以旌其忠。張忠等亦皆授官有差。是年復使安南。宣建國號。詔立道並黑水跨雲南以至其國歲貢之禮。遂定。十年三月領大司農事。中書以立道熟於雲南。奏授大理等處巡行勸農使。佩金符。十一年世祖謂賽典

赤曰。雲南朕嘗親臨。比因委任失宜。使遠人不安。欲
選謹厚者撫治之。無如卿者。賽典赤拜受命。退朝即
訪求知雲南地理者。畫其山川城郭。驛舍軍屯。彝險
遠近。爲圖以進。帝大悅。遂令賽典赤行省雲南。統合
刺章鴨赤赤科金齒茶罕章諸蠻。賜銀二萬五千兩。
鈔五百錠。時宗王脫忽魯方鎮雲南。惑於左右之言。
以賽典赤至。必奪其權。具甲兵以爲備。賽典赤聞之。
乃遣其子納速刺下。先至王所。請曰。天子以雲南守
者非人。致諸國背叛。故命臣來安集之。且戒以至境。

如此作用
方無誤封
疆後之初
至卽與強
藩爲難者
徒壞乃公
事耳

當卽加撫循。今未敢專。願王遣一人來共議。王聞遽
罵其下曰。吾幾爲汝輩所誤。明日遣親臣二人至。賽
典赤問以何禮見。對曰。吾等與納速刺下偕來。視猶
兄弟也。請用子禮見。皆以名馬爲贄。拜跪甚恭。觀者
大駭。乃設宴。陳所賜金寶飲器。酒罷盡。以與之。二人
大喜。過望。明日來謝。語之曰。二君雖爲宗王親臣。未
有名爵。不可以議國事。欲各授君行省。斷事官。以未
見王。未敢擅授。令一人還先稟王。王大悅。由是政令
一聽。賽典赤所爲。十二年。奏雲南諸彝未附者尚多。

按年次序
兩人事毫
無痕跡高
史遷合傳

今擬宣慰司兼行元帥府事。並聽行省節制。又奏哈刺章雲南壤地均也。而州縣皆以萬戶千戶主之。宜改置令長。並從之。十三年。以所改雲南郡縣上聞。先是雲南有昆明池。環五百餘里。夏潦暴至。必冒城郭。張立道爲勸農使。求水所自出。役丁夫二千人洩之。得壤地萬餘頃。皆爲良田。爨犍之人。雖知蠶桑而未得其法。立道始教之。飼養收利十倍於舊。諸山蠻慕之。相率來降。收其地。悉爲郡縣。賽典赤表言於朝。有旨。進官以褒之。十五年。除立道中慶路總管。佩虎符。

法一等

雲南未知尊孔子。祀王逸少爲先師。立道言于賽典赤。首建孔子廟。置學舍。擇蜀士之賢者爲弟子師。歲時率諸生行釋菜禮。由是人習禮讓矣。民俗以貝代錢。初行鈔法不便。賽典赤請仍其舊。患山路險遠。盜賊出沒爲行者病。相地置鎮。每鎮設土酋吏一人。百夫長一人。往來者或值劫掠。則罪及之。而道俗以寧。五月。詔烏蒙路立驛治道。聽賽典赤節制。有土吏怨賽典赤不已用者。至京誣其專僭。帝曰。賽典赤憂國愛民。朕洞知之。此輩何敢相誣。卽命械送賽典赤治。

此中具有
妙用正與
汝能訟我
信有胆力
之言同一
機括

至元十三
年十二月

之既至脫其械且諭之曰若未知上以便宜命我耳
今不汝罪且命汝以官能竭忠自贖乎皆扣謝曰誓
以死報時交趾叛服不常湖廣省發兵屢征不利賽
典赤遣人諭以逆順禍福且約為兄弟交趾王大喜
親至雲南賽典赤郊迎待以賓禮遂乞永為藩臣蘿
槃甸叛往征之有憂色從者問故賽典赤曰吾非憂
出征也憂汝曹冒鋒鏑不幸以無辜而死又憂汝曹
劫掠平民使不聊生及民叛則又從而征之耳師次
蘿槃城三日不降諸將請攻之賽典赤不可遣使以

改蘿槃甸
為元江府

理論之蘿槃主曰謹奉命越三日又不降諸將奮勇
請進兵賽典赤又不可俄而將卒有乘城進攻者賽
典赤大怒遽鳴金止之召萬戶叱責之曰天子命我
安撫雲南未嘗命以殺戮也無主將命而擅攻於軍
法當誅命左右縛之諸將叩首請俟城下之日從事
蘿槃主聞之曰平章寬仁如此吾拒命不祥乃舉國
出降將卒亦釋不誅由是西南諸彝翕然款附酋長
每來見例有所獻納賽典赤悉分賜從官或以給貧
民秋毫無所私為酒食勞酋長製衣冠襪履易其卉

山棄殺慮
土彝餽遺
不受或致
疑俱問於

老隸鄭年
對曰居官
贖貨國憲
甚嚴公不
畏朝廷乃
畏蠻子耶
似此受而
卽散更見
廓如

服草履。首皆感悅。賽典赤居雲南六年。至元十六年卒。年六十九。百姓巷哭。葬鄯闡北門。交趾王遣使者十二人。齊經爲文致祭。其辭有生我育我。慈父慈母之語。使者號泣震野。帝思賽典赤之功。詔雲南省臣盡守賽典赤成規。不得輒改。賽典赤五子長卽納速刺。丁初爲雲南路宣慰使。都元帥。後改帥大理。十七年。將大理軍抵金齒。蒲縹曲蠟緬國界內。招忙木巨木秃等寨三百。籍戶十一萬餘。定賦租。立砧遞軍還。獻馴象。授雲南行中書省左丞。尋遷右丞。建言三事。

其一謂雲南省規措所造金薄。貿易病民。宜罷。其一謂雲南宣慰司已奏罷。而元帥府尚存。行省旣兼領軍民。元帥府亦在所當罷。其一謂雲南官員子弟入質。達官當遣。餘宜罷。俱從之。是年張立道入朝。力請於帝。以雲南王子也。先帖木兒襲王爵。遂命立道爲臨安廣西道宣撫。兼管軍招討使。仍佩虎符。陛辭。賜以弓矢衣服鞍馬。始赴任。會禾泥路大首領必思反。扇動諸蠻彝。亟發兵討之。拔其城邑。鼓行而前。徇金齒。旬七十城。越麻甸。抵可蒲。皆下之。有遺以馴象金

至元十二年知特摩道農士貴率州縣三十有七詣雲南行省降即今廣南府土同知之祖也

鳳異物者。悉獻諸朝。二十二年。又籍兩江儂士貴岑從毅李維屏所部戶二十五萬有奇。以其籍歸有司。遷軍民宣撫使。復創廟學於建水路。書清白之訓于公廡。以警貪墨。風化大行。入朝。值權臣用事。遂退散地。二十七年。安南國復拒命。討之失利。帝怒。欲再發兵。丞相完澤平章不忽木言蠻彝小邦。不足以勞中國。張立道嘗再使安南有功。今復使往。宜無不奉命。帝召至香殿。諭之曰。小國不恭。今遣汝往。諭朕意。宜盡乃心。立道對曰。君父之命。雖蹈水火。不敢辭。臣愚

恐不足專任。乞重臣一人與俱。臣爲之副。帝曰。卿朕腹心。臣使一人居卿上。必敗卿謀。遂授禮部尚書。佩三珠虎符。賜衣段金鞍弓矢以行。至安南界。謂郊勞者曰。語爾世子當出郭迎詔。日燭乃率其屬焚香伏謁道左。既抵府。日燭拜跪聽詔如禮。立道傳上命。數其罪。爲書曉之。日燭曰。比三世辱公使。公大國之卿。小國之師也。何以教我。立道曰。昔鎮南王奉詞致討。汝非能勝之也。由其不用嚮導。率衆深入。不見一人。遲疑而還。曾未出險。風雨驟至。弓矢盡壞。衆不戰而

自潰。天子亦既知之。汝所恃者山海之險瘴癘之惡耳。且雲南與嶺南之人習俗同而技力等。今發而用之。繼以北方之勁卒。汝復能抗哉。汝戰不利。不過遁入海中。島彝乘釁必來寇抄汝。汝食少不能支。必爲彼屈。汝爲其臣。孰若爲天子臣乎。今海上諸彝歲貢於汝者。亦畏我大國之爾與也。聖天子有德於汝甚厚。前年之師。殊非上意。邊將讒汝爾。汝曾不悟。不能遣一介之使謝罪請命。輒稱兵抗拒。逐我使人。以怒我大國之師。今禍且至矣。惟世子計之。日燇拜且泣。

曰。公言良是。爲我計者。皆不知出此前日之戰。救死而已。寧不知懼天子。知公來必能活我。北面再拜。誓死不敢忘天子之德。遂迎立道入。出奇寶爲賄。立道一無所受。但要日燇入朝。日燇曰。貪生畏死。人之常情。誠有詔貸以不死。臣將何辭。乃先遣其臣阮代之。何惟巖等。隨立道上表謝罪。修歲貢之禮如初。且言所以願朝之意。廷臣有害其功者。以爲必先朝而後赦。日燇懼。卒不敢至。議者惜之。三十年。皇曾孫松山封梁王。出鎮雲南。大德二年。廷議求舊臣。可爲梁王。

藩封在外
病民之政
勢所不免
去投充置
馬場安得
張有忽辛

以救此一
方民耶此
漢考之所
以作也

輔行者立道遂以陝西行臺侍御史拜雲南行省參政視事期月卒于官立道凡三使安南官雲南最久甚得土人之心為之立祠鄯闡城與賽典赤祠至今血食焉時納速刺丁巳卒于陝西行省平章其弟忽辛復由陝西行臺改雲南行省右丞既至條諸不便民事于宗王請更張之王不可忽辛與左丞劉正馳還京師有旨令宗王協力施行由是一切病民之政悉革而新之豪民規避繇役往往投充王府宿衛有司不勝供給忽辛按朝廷元額所無者悉籍為民去

其宿衛三分之一馬龍州酋謀叛陰與外賊通持所受宣敕納賊以示信事覺宗王為左右所蔽將釋不問忽辛與劉正反覆研鞠姦狀盡得竟斬之軍糧支給地理遠近不同吏夤緣為姦忽辛籍軍戶姓名及倉廩處所為更番支給吏姦始除先是忽辛父賽典赤為平章時建孔子廟撥田五頃以供祭祀賽典赤卒田為大德寺所有忽辛按廟學舊藉奪歸之乃復下諸郡邑遍立廟學選文學之士為之教官文風大興王府畜馬繁多悉縱之郊敗民禾稼而牧人又在

民家宿食室無寧居。忽辛度地置草場，構屋數千間。使爲牧所，民得以安。廣南酋沙奴，素强悍。宋時嘗賜以金印，至元諸部悉平，獨此尚梗化。忽辛遣使誘致，待以禮，留數月不遣。酋請還，忽辛曰：汝欲還，可納印來。酋不得已納之，因置酒宴勞，令偕印入覲。帝大悅。大德五年，緬國主負固不臣，忽辛遣人諭之曰：我老賽典赤平章子也，惟先訓是遵。凡官府於汝國所不便事，當一切爲汝更之。緬國主聞之，遂與使者偕來，獻白象一，且曰：此象古來所未有，今聖德所致，敢效。

方物既入，帝賜緬國主以世子之號。烏蠻等租賦歲發，軍徵索乃集。忽辛以利害榜諭諸蠻，不遣一卒而租賦咸足。俄有爲飛語及符讖以惑宗王者，忽辛引劉正宥爲奏，馳報朝廷，遣使臨問。凡造言者悉誅之。忽辛偕使者還覲，後卒于江西行省平章。贈雍國公，謚忠簡。其父瞻思丁，贈咸陽王，謚忠惠。兄納速刺丁，贈延安王，謚忠憲。世爲元名臣。張立道子元亦官雲南行省左右司郎中。

樹序收結
爾家父子

元史緬古
來波也漢
謂之揮唐
謂之驃

元征緬與八百媳婦國

緬國不載于前史。唐書驃國傳在永昌南二千里。今緬自永昌西南行四日至騰越州。又十五日至其國之江頭城。又十日至太公城。又八日至馬來城。又五日至安正國城。又五日至蒲甘緬王城。所謂緬中五城也。計程已三千餘矣。南詔野史載勸龍晟時師子國攻緬。遣段榜秀救之。破師子國兵。得緬舍利以歸。其後遂服屬於南詔。宋熙寧間。隨大理入貢。名始聞于中國。元世祖至元八年。大理鄯闡等路宣慰司都

元帥府遣乞解脫因等使緬國。招諭其王內附。四月乞解脫因等導其使价博來。以聞。十年二月遣勘馬刺失里乞解脫因等復持詔諭之曰。間者乞解脫因導王國使价博詣京師。且言欲觀吾大國舍利。朕矜憫遠來。即使來使覲見。又令縱觀舍利。益詢其所以來。知王有內附意。國雖云遠。一視同仁。今再遣勘馬刺失里等往諭王國。誠能謹事大之禮。遣子弟若貴近臣來。以彰我國家無外之義。用敦永好。時乃之休。至若用兵。夫誰所好。王其思之。十二年四月建寧路

邊臣生事
每因輕信
起

安撫使賀天爵言得金齒頭目阿郭之言曰。乞解脫因之使緬。乃故父阿必所指也。至元九年三月緬王恨父阿必。故領兵數萬來侵。執父去。不得已厚獻其國。始得釋回。因知緬遣阿的八等九人至。乃候視國家動靜也。今白衣頭目是阿郭親戚。與緬為鄰。嘗謂入緬有三道。一由天部馬。一由驃甸。一由阿郭地界。俱會緬之江頭城。又阿郭親戚阿提犯在緬掌五甸。戶各萬餘。欲內附。願先招阿提犯。及金齒之未降者。以為引導。雲南省因言緬王無降心。去使必不返。六

當悟阿郭
之欺

月樞密院以聞。十一月雲南省報遣金齒干額總管
阿禾探得國使達緬俱安。十四年緬以阿禾內附。怨
之。攻其地。遣蒲甘大將釋多羅伯級寇金齒。欲立砦
騰越永昌之間。時大理路蒙古千戶忽都大理路總
管信苴日總把千戶脫羅脫孩奉命伐永昌之西。騰
越蒲驃阿昌金齒未降部族。駐劄南甸。阿禾告急。忽
都等晝夜行。與緬軍遇一河邊。其衆約四五萬。象八
百。馬萬匹。忽都等軍僅七百人。緬人前乘馬。次象。次
步。卒象披甲。背負戰樓。兩旁挾大竹筒。置短槍數十。

於其中。乘象者取以擊刺。忽都下令。賊衆我寡。當先
衝河北軍。親率二百八十一騎爲一隊。信苴日斃河
爲一隊。脫羅脫孩依山爲一隊。戰良久。賊敗。信苴日
追之三里。抵寨門。旋寧而退。南面賊萬餘。繞出官軍
後。信苴日馳報忽都。復列爲三陣。進至河岸。擊之。又
敗。追破其十七砦。逐北至窄山口。賊及象馬自相蹂
死者盈三巨溝。日暮忽都中傷。遂收兵。明日追之。至
干額。不及而還。捕擄甚衆。軍中以一帽或兩靴一瓊
衣。易一生口。其脫者又爲阿禾阿昌邀殺。歸者無幾。

其見俘獲
之多

納速刺丁
事前篇未
載

十月雲南省遣都元帥納速刺丁率蒙古纓夾摩此
軍三千餘人征緬至江頭城招降其磨欲等三百餘
砦以天熱還師十七年二月納速刺丁等請益兵征
緬帝以問丞相脫里奪海對曰陛下初命發合刺章
及四川士卒六萬人今納速刺丁止欲得萬人耳宜
從之帝卽命樞密議選將出師十九年命諸王相吾
答兒同右丞太卜叅政也罕的斤將兵征緬詔雲南
行省發四川兵萬人命藥刺海領之叅政愛魯昔里
督糧餉招討使怯烈先驅二十年九月大軍發中慶

十月至南甸太卜由羅必甸進軍十一月相吾答兒
命也罕的斤取道於阿昔江達鎮西阿禾江造舟二
百下流至江頭城斷緬人水路自將一軍從驃甸徑
抵其國與太卜會進攻江頭城拔之獲其銳卒萬人
守之圖上其地形及攻守之略先遣使諭降緬酋不
聽據太公城以拒大軍復遣僧諭以禍福反爲所害
遂督軍水陸俱進擊破之建都金齒等城皆降各分
兵戍守置邦牙宣慰司于蒲甘城遂振旅還遣使進
緬珍珠珊瑚異綵及七寶束帶雲南行省進破江頭

所得止此
勸遠何益

城所得童男女八千人并銀器幣二十二年緬王遣其鹽井大官阿必立相至太公城納款乞言於朝廷許其悔過然後差大官赴闕朝廷遣怯烈使其國二十三年置征緬都元帥府官俾禿滿帶爲都元帥總之雲南王使行省右丞愛魯至永昌與征緬府官會差軍五百人護送招緬使怯烈至太公城二十四年正月至忙乃甸緬王爲其庶子不速速古里所執囚於昔里怯荅刺之地又害其嫡子三人二月怯烈日忙乃甸登舟還留元送軍五百人于彼雲南省講令

秋進討不聽旣而雲南王與諸王進征蒲甘喪師七千緬始平命王率怯烈總兵三千屯鎮驃國設方略招徠其黨定歲貢方物後怯烈入朝世祖詢以緬國始末擢正議大夫行中書省事佩金符頒詔于緬緬王的立普哇拿阿迪提牙稽顙謝遣其子信合八的奉表入朝請歲輸銀二千五百兩帛千疋馴象二十糧萬石詔封爲緬王賜銀印子爲緬國世子賜以虎符大德三年三月緬復遣其世子入謝自陳部民爲金齒殺掠率皆貧乏以致上供金幣不能如期輸納

帝憫之。止命間歲貢象。仍賜衣遣還。四年四月遣使進白象。五月緬王爲其弟阿散哥也等所殺。其子窟麻刺哥撒八逃詣京師。令忙完秃魯迷失率師問罪。蠻賊與八百媳婦國通。其勢張甚。忙完秃魯迷失請益兵。又命薛超兀兒等將兵萬二千人征之。仍令諸王濶濶節制其軍。六月立窟麻刺哥撒八爲緬王。賜以銀印。秋七月緬賊阿撒哥也弟者蘇等九十一人各奉方物入朝。自言殺主之罪。始罷征緬兵。而左丞劉涑又有征八百媳婦之議。八百媳婦國在緬東出

史遷合傳
體

永昌姚闕五十程至其地。古未通中國。成宗初立左丞劉涑倡議。世祖以神武一海內。今上嗣曆。未有武功。而八百媳婦國助緬爲逆。因請征之。右丞相完澤以聞。左丞相哈利哈孫御史中丞董士選諫不聽。五年春命涑及哈刺帶等將兵往。給軍鈔九萬二千錠。又給雲南行省兵自願出征者人貝子六十索。立征八百媳婦萬戶府二。置萬戶四員。兵旣出。取道順元。遠冒煙瘴。士卒多死。驅民轉餉谿谷之間。一夫負粟八斗。率數十人佐之。數十日乃達。死者又數十萬人。

贖武厲民

平水西爲
兩人之功
故追敘其
履歷

中外騷然。而浚復脇求水西土婦蛇節金三千兩馬
三千匹。土官宋隆濟因苗民之怨。給其衆曰。官軍徵
發汝等。將悉剪髮黥面爲兵。身死行陣。妻子爲俘。衆
惑其言。遂叛。破楊黃寨。進攻貴州。知州張懷德力戰
死。因圍劉浚于窮谷中。梁王濶濶率兵救之。賊衆少
解。事聞。帝始悔不用哈刺哈孫董士選之言。乃遣劉
國傑楊賽因不花等分道進討。劉國傑女真人。本姓
烏古倫。後入中州。改今姓。號劉二霸都。華言敢勇士
也。至元中以歷戰功。授湖廣行省平章政事。楊賽因

不花。初名漢英。其始祖楊端。唐季應募復播州。世守
其地。爲安撫使。父邦憲歸元。授平章政事。追封播國
公。謚惠敏。漢英生五歲而父卒。隨母田氏入見。世祖
賜今名。襲職。歷陞侍衛親軍都指揮使。至是奉命國
傑率湖廣兵。賽因不花率四川兵入別。敕梁王以雲
南兵接應。六年。劉浚等以糧盡。不能至。八百媳婦國
而還。宋隆濟蛇節率衆邀擊。輜重委棄。士卒殺傷殆
盡。御史中丞陳天祥上書請正浚罪。下詔招諭諸蠻。
不報。三月。罷浚等官。收其符券。後會赦。當免。哈刺哈

死不足以盡其罪

孫曰。微名首釁。喪師辱國。不誅。深無以謝天下。遂伏誅。時烏撒烏蒙東川芒部及武定威楚普安諸蠻。因蛇節之亂。皆以供輸煩勞爲辭。乘釁起兵。攻掠州縣。復詔也速解兒忙古帶等將兵會劉國傑討之。賊兵勁利且多。徒馬官軍戰不利。國傑令軍人持一盾布釘其上。俟陣合。棄盾佯走。賊來追。馬遇盾皆仆。國傑鼓譟趣之。賊大敗。旣而餘寇復合要戰。國傑不應。數日度其氣衰。一鼓破走之。追戰數千里。楊賽因不花出播境。連與賊遇。破之前。駐蹉泥。賊騎猝至。賽因不

花奮擊先進。大軍隨之。賊遂潰。乘勝逐北。殺獲不可勝計。遂降阿苴。下笮籠。望塵送款者相續。七年正月。進屯暮窩。四月會戰於墨特川。復大破之。蛇節降。隆濟遁去。遂誅蛇節。八年春。雲南順元同知宣撫宋阿重生。獲隆濟來獻。斬之。陞阿重爲宣慰使。緬與八百皆西廂小彝元。以全盛之力。征之。緬定而復叛。終于議貢八百媳婦國。未得過而問焉。而水西之亂作矣。楚蜀合兵。經年始定。則甚矣。黷武之害人國也。大德中。撒里路總管寒賽。亦爲元江判官度宗顯所誣。遣

道蚤自有公

兵討之。失利而還。都元帥述律烈往諭以大義。寒蹇感悟。遂備珍貢。請增差賦。置驛傳。并以黃金采女。遺述律烈。烈一無所受。蠻酋歎曰。入我境而不為金婦所餌者。元帥一人而已。嗟乎。邊庭有廉吏。賢于十萬師遠矣。

雲南諸王

元之以親王鎮雲南。自忽哥赤始也。忽哥赤世祖第五子。舍利畏之亂。念非親賢不能靖一方。或以荒服難之。帝曰。朕固樂其風土。向非曆數在躬。將于彼請分器焉。乃以至元四年八月丁丑。封忽哥赤為雲南王。出鎮大理鄯闡。茶罕章。赤禿哥兒。金齒等處。金鑲銀印。駝鈕。復置大理等處。行六部。以濶濶帶為尚書兼王傅。柴禎尚書兼府尉。審源侍郎兼司馬。重其任也。未幾改賜金印。五年受命與安南國王討占城真

元世諸王
在滇其見
諸史策者
十有三人
俱鮮能以
功名表著
為一方保
障者然世
及無幾桐
封屢移所
由與古之
封建殊矣

臘八年為元帥寶合丁所弑。濶濶帶與謀。事覺俱伏
誅。代鎮雲南者為宗王脫忽魯忽哥赤有子也。先帖
木兒從征在緬。十七年以張立道言遣忪古帶迎歸。
襲封為雲南王。金印駝鈕。十九年諸王相吾荅兒率
兵征緬。二十年詔自今凡雲南大辟仍須待報。蓋前
此生殺皆在外得自專矣。二十二年詔事不議于雲
南王也。先帖木兒者毋輒行。二十五年命雲南王移
鎮大理。二十七年復以皇孫甘刺麻為梁王鎮雲南。
金印獸鈕。蓋一方二王焉。甘刺麻世祖太子真金子

也。真金先世祖卒後謚裕宗。生子三。長甘刺麻。後謚
顯宗。次答刺麻。八刺。後謚順宗。三鐵穆耳。後謚成宗。
甘刺麻為梁王。三年改封晉王鎮北邊。以其子松山
鎮雲南。授梁王印。至元三十一年世祖崩。成宗嗣位。
以雲南歲貢馬二千五百疋。給梁王數太多。命量減
之。大德三年賜雲南王也先帖木兒及所部鈔三萬
八千錠。九年詔梁王勿與雲南行省事。賜鈔千錠。十
年賜復如之。時梁王蓋松山也。征緬與八百媳婦之
役。又有梁王濶濶者。諸王世系中不載。豈即松山乎。

十一年進封雲南王也。先帖木兒爲營王。是歲成宗崩。太子德壽先卒。無子。順宗次子愛育黎拔力八達入定內亂。迎兄懷寧王海山于北立之。是爲武宗。武宗至大二年。梁王在雲南有瘋疾。以世祖第七子西平王奧魯赤之孫老的爲雲南王。賜金印及金銀有差。四年九月。給老的部屬馬價一萬二千錠。武宗崩。愛育黎拔力八達嗣位。是爲仁宗。武宗有子二。長和世疎。次圖帖睦耳。初約仁宗後仍傳位和世疎。延祐二年。仁宗惑于鐵木迭兒之言。立其子碩德八剌爲

雖止記雲南諸王而元代列帝相承具見尺幅

太子而封和世疎爲周王。出鎮雲南。置常侍府等官。賜鈔四十萬錠。是年雲南王老的朝于京師。四年。諸王脫脫駐雲南。擾害軍民。以按灰代之。七年。仁宗崩。太子碩德八剌卽位。是爲英宗。徙封周王于漠北。復以晉王甘刺麻之孫王禪爲雲南王。金鍍銀印龜鈕。是時甘刺麻已死。子也孫帖木兒嗣爲晉王。至治三年。英宗被弑。諸臣迎立之。是爲泰定帝。治篡逆罪。流諸王。月魯帖木兒于雲南。進封王禪爲梁王。金印獸鈕。食邑益陽州。仍以其子帖木兒不花襲封雲南王。

邊亂之生
亦因內廷
爭立起滇
史稱王禪
三世鎮滇
有惠政明
宗前亦封

雲南至是
皆不得其
死衆論囂
然故禿堅
等借以號
召似亦有
之

又封周王弟圖帖睦耳為懷王。食邑端州。三年。召月魯帖木兒嗣齊王。給金印。謀粘路土官賽丘羅。招諭八百媳婦蠻來降。銀沙羅土官散怯遮殺賽丘羅。勅雲南王遣人諭之。四年十一月。召雲南王赴上都。明年七月。泰定崩。大臣燕帖木兒迎懷王入大都立之。上都王禪等立泰定子阿速吉八為帝。舉兵入討。俱為燕帖木兒所殺。懷王又迎其兄和世琜于漠北。至和寧即位。是為明宗。未幾暴崩。懷王復代之。是為文宗。是時雲南諸王答失不花。禿堅不花。及平章馬忽

思等聚衆五萬。數丞相也。見吉尼專擅十罪。將殺之。也兒吉尼遁走八番。答失不花等偽署叅知政事等官。詔豫王阿剌忒納失里鎮雲南。賜其衛士鈔萬錠。仍許每歲豫給衣廩。是天曆二年十一月事也。明年改元至順。正月丁卯。諸王禿堅及萬戶伯忽阿禾等叛。攻中慶路。陷之。殺廉訪司官。執左丞欣都等。迫令署諸文牘。二月。攻陷仁德府。至馬龍州。調八番元帥完澤率兵禦之。伯忽引兵西攻威楚。威楚城無武備。官吏皆驚匿。獨知事董文彥不去。被擒。令降。文彥怒

文彥通海
今祀鄉賢

又與朱寶
等並列兩
郡名官雖
死猶生矣

滇列 卷一
日汝食君祿。不思報恩。逆天殄民。恨不殺汝。乃從汝
反耶。罵不絕口。衆怒截其耳。令啗。文彥嚼血肉噴賊
面。遂遇害。又攻陷晉寧州。南至臨安。石屏鎮將朱寶
乘間率驍騎五十餘人。夜至宣慰司掩襲。收所奪符
印以歸。退據異龍湖之。和龍島。賊合衆來攻。戰艦三
百艘。衆懼欲降。千戶亨祐曰。我等戰亦死。降亦死。當
以死報國。有言降者斬。衆皆踴躍。賊舟將至。發砲擊
之。連碎數十艘。斬首三百級。圍經七旬。糧盡。富民王
帑出粟千餘石。給衆。會救至。得免。禿堅自立爲雲南

烏蒙東川
蠻名羅羅
卽爨蠻遺
種

王伯忽爲丞相。阿禾忽刺忽等爲平章。五月伯忽檄
召烏蒙土官祿余。襲殺烏撒宣慰司官吏。於是羅羅
斯諸蠻望風迎降。其勢大振。四川行省調重慶五路
萬戶以兵救雲南。軍至境。值羅羅斯蠻萬餘人。遂遇
害。千戶祝天祥等引餘衆遁回。事聞。調江浙河南江
西兵一萬。命諸王都思帖木兒及樞密判官洪浹將
之。與湖廣行省平章脫歡會兵討雲南。立雲南行樞
密院。以徹里帖木兒知院事。朶馬赤教化爲同知副
使。發朶甘思。朶思麻。及鞏昌等處軍萬三千人付之。

八番全貴
州

碣音周
今天全六

徹里治兵有紀律。所過秋毫無犯。親率大兵。同鎮西
王。搠思班等。由四川進。朶馬赤教化。從豫王阿刺忒
納失里。由八番進。七月。羅羅斯土官撒加伯。合烏蒙
蠻兵。攻建昌。雲南右丞躍里帖木兒。統兵拒賊。斬首
四百級。蜀軍亦敗。撒加伯于盧古驛。撒加伯謀建昌
守兵不多。而北兵來。必由棧道。乃與阿柄土官阿刺
等。以兵八千。燒燬之。又遣把事曹通。潛結西番。聚大
兵于大渡河。進寇建昌。此時王師尚未入滇。彝衆一
時並舉。四川行省官莫敢抗敵。但令萬戶周戡。統碣

番招討司

門軍。并成都諸屯兵一千七百人。抵羅羅斯界。以控
扼諸蠻。又遣萬戶答定遠。同印部知州馬伯合。戡等。
從便進討。八月。躍里兵屯建昌。密遣人覘賊。把守要
隘。執曹通。斬之。自此蠻兵不敢通于西番。冬十月。烏
蒙祿余乘勢欲寇順元。以阻東路之兵。徹里遣使趣
四川雲南兵進討。十一月。四川平章塔坐引兵由永
寧。左丞孛羅引兵由青山。諸部並進。陳兵周泥驛。及
祿余等戰。殺蠻兵三百餘人。祿余衆潰。遂奪其關隘。
以通順元諸軍。是月。羅羅斯撒加伯。烏撒阿答等。合

諸蠻復攻建昌。躍里等追戰于木托山下，敗之，斬首五百餘級。姚安路土官子阿海率州人禦賊，俘馘甚衆。二年正月，權仁德府官曲木糾集義兵，敗伯忽于馬龍川，殺其弟拜延。又戰于金馬山，獲伯忽及其弟伯顏察兒。其黨拜不花等十餘人，誅之。餘賊皆潰。惟祿余猶據金沙江。二月，鎮西武靖王搠思班、豫王阿刺忒納失里等兩路合兵討雲南。時賊勢已漸衰，因與躍里倍道兼進，遂奪金沙江。大兵與阿禾軍遇，戰敗之。賊兵猶結寨安寧州，再戰又敗之。擒阿禾，誅之。

滇史云借
事者禿堅
也此乃云
擒賊首也
不干豈不
干卽禿堅
欵今併去
也不干字
以志闕疑

大兵將抵中慶，賊兵拒戰于伽橋古壁中。躍里左頰中流矢，洞耳後，拔矢復戰，遂大捷。收復行省，諸軍皆會駐于城中，分兵進捕殘賊于嵩明州。豫王與鎮西王擒賊首及諸將校，悉誅之，磔其屍以徇。雲南平。惟祿余懼罪，竄伏。諸臣請降詔赦之。九月，祿余復寇順元路。雲南行省都事那海奉詔往諭，授以叅政。祿余拒不受。俄而賊大至，海因力戰及晚，烏撒兵入順元境。左丞帖木兒不花禦賊，那海復就陣宣前詔，遂爲賊害。海居官忠勤善辭，令人共惜之。時禿堅弟必刺

都古彖失挾阿禾餘黨千餘人竄伏靖江海中據險兵不易上都元帥怯烈爲雲梯登山破其柵殺賊五百餘人于是必刺都古彖失舉家赴海死祿余亦遁去夫伯忽阿禾挾宗王之勢誘動諸蠻陷烏撒圍建昌幾于燎原矣不二年而遂撲滅何哉足固不可以加首上下分定故也南中雖險遠易于爲亂然敢于過大渡河憑陵上國者自南詔世隆王嗟顛以來亦不數見卒皆以敗歸終不能併有蜀後之人坐井自大妄思僭竊適足以自取滅亡耳至順三年二月祿

余言于四川行省乞降并請改附四川詔諸大臣議之是歲文宗崩立明宗之子郟王是爲寧宗逾月崩又迎其庶兄妥權帖木耳立之是爲元順帝至正中梁王柏兀刺瓦爾密一稱孛羅以宗室鎮雲南世系莫考元亡後仍阻險自守明太祖屢遣使招諭不從洪武十四年冬穎國公傅友德等南伐梁王兵敗走滇池島中友德等入雲南梁王聞之謂其右丞曰我宗室無降理有死以報國耳先縊其妃自飲藥不死投滇池水中舉家從之俱死焉會天下歸明已久無

孛羅與高泰祥事世罕知之極力表章真有功名教之書也

表章之者予謂揆以余闕之義則字羅不失為忠臣
百世論定蓋有待于今日云

大理段興智降元其弟信直日為總管屢立戰功傳

載元史後嗣承之凡十有一人具詳滇載記中名氏

世次間不符正史按元史成于明洪武二年其時雲

南未平段氏後代宜未及考究至信直日父子當必

十一總管

先為大理國祖平大理段興智與其季父信直

福入覲詔賜金符歸國丙辰獻地圖請悉平諸部并

條奏治民立賦之法憲宗大喜賜興智名摩訶羅嗟

竊者

可以愧後

得登名國

史詳述之

之好為僭

段氏二十餘世王滇不如信直日以總管

命悉主諸蠻。以信苴福領其軍。與智遂委國任其弟
信苴日。自與信苴福率熨爨軍。導大將兀良合台。討
平諸郡之未附者。攻降交趾。入朝在道卒。中統二年。
信苴日入朝。世祖復賜虎符。詔領大理鄯闡威楚統
矢會川建昌騰越等城。各萬戶以下。皆受其節制。至
元元年。舍利畏叛。鄯闡屯守官不能禦。遣使告急。信
苴日率衆進討。大敗之於威楚。復遣將破賊於統矢。
其秋舍利畏以衆十萬謀攻大理。詔都元帥也先與
信苴日討之。師至安寧。遇舍利畏。擊破走之。遂復鄯

闡定新興。進攻石城。皆下。熨部平。三年入覲。賜金銀
衣服鞍勒兵器。十一年。賽典赤更定諸路名號。以信
苴日爲大理總管。未幾舍利畏復叛。信苴日遣石買
等詭爲商旅。執贄往見。挺矛撞殺之。及其黨一人。梟
首于市。行省以聞。復賜金一錠。及金織紋衣。十三年。
緬國擁象騎數萬。掠金齒南甸。欲襲大理。信苴日與
萬戶忽都領騎兵千人禦之。以功授大理蒙化等處
宣撫使。十八年。與其子阿慶復入覲。帝嘉其忠勤。進
大理威楚金齒等處宣慰使。都元帥留阿慶宿衛東

一作福與
日皆與智
諸父

宮。陛辭。復拜爲雲南諸路行中書省叅知政事。十九年。詔同右丞拜荅兒。迎雲南征緬之師。行至金齒。以疾卒。信。苴日。治大理。凡二十三年。子阿慶襲爵。累授鎮國上將軍。大理金齒等處宣慰使都元帥。佩金虎符。滇載記。段興智弟。乃段實。無所謂信。苴福。信。苴日者。豈實與日音之訛乎。載記稱段實死。子忠嗣。忠死。子慶嗣。又稱忠從伐西林。破會川。通善闡。平休林。武定。緬甸之役。皆有功。授金齒宣慰。兼掌軍民萬戶府。慶爲宣武將軍。尚公主。入朝歸。授行省叅政。而元史

不載。段忠事。並存之。以俟稽古者。慶死。弟正嗣。正死。慶子隆嗣。隆死。子俊嗣。天曆元年。授行省平章。俊死。族弟義嗣。初授蒙化知州。以平叛賊容禾功。陞叅政。義死。隆子光嗣。時梁王以元宗室鎮鄯闡。與段氏分域構隙。至大二年。梁王破光兵。光將高蓬守羅那關。梁王密遣人招之不從。陰賂蓬庖人刺蓬。以其首獻。王更戮庖人以自解。至正元年。玉案山產小赤犬。羣吠遍野。又雨鐵。民舍山石皆穿。人物值之多斃。四年。光死。弟功嗣。初亦爲蒙化知州。十二年襲總管。二十

三年明玉珍自楚入蜀以紅巾爲號自將三萬人攻雲南梁王奔威楚求救于功功謀于員外楊淵海卜之吉乃進兵呂閣敗紅巾于關灘江殺獲千餘級紅巾收合餘眾再戰殺段氏驍酋鐵萬戶乘勝屯古田寺段氏夜火其寺紅巾軍亂死者仆七八追至回蹕關大敗之功在陣中得玉珍母寄其子書云爾征南務得之不得輕還軍少糧乏我當輓致功與楊淵海謀效其書跡易之曰中國兵來急爾宜蚤歸因募能入紅巾營者不不惠請行玉珍得書恐國中有

高夫人樂

府寄遠阿

蘊妃愁憤

作詩均可

稱荒微聞

秀惜段奴

鹵莽喪身

徒使二美

含悽畢世

耳

變。又新失利。遂急收軍回。功追之至七星關。大勝而還。梁王深德功。以女阿蘊妻之。爲奏授雲南平章。曲意奉之。功遂留善闡。其原妻高氏寄樂府促之。始歸大理。旣而復東行。其臣楊智張希喬阻之。不聽。至善闡。或讒之。梁王曰。段平章復來。有吞金馬。嚙碧雞之心矣。盍蚤圖之。梁王始疑平章。密召阿蘊主命之曰。親莫若父母。寶莫若社稷。功今志不滅。我不已。脫無彼。猶有他平章。不失富貴也。今付汝以孔雀膽一具。乘便可毒殮之。主潛然不敢受命。夜寂人定。私語平

章曰。我父忌阿奴。願與阿奴西歸。因出毒具示之。功不信曰。我有功爾家。我趾自蹶傷。爾父尚當爲我裏之。爾何誑我至此。三諫之終不聽。明日梁王邀功東寺演梵。至通濟橋馬逸。因令番將格殺之。阿禳主聞變。失聲哭曰。昨暝燭下。纔講與阿奴。雲南施宗施秀。烟花殞身。今日果然。阿奴雖死。不負信黃泉也。欲自盡。梁王防衛備至。主愁憤作詩曰。吾家住在鴈門溪。一片閒雲到滇海。心懸明月照青天。青天不語今三載。欲隨明月到蒼山。悞我一生踏裏彩。吐嚕吐嚕段。

諸書不言
阿禳妃所
終李元陽
通志載主
愁憤而死

阿奴施宗施秀同奴友。雲片波潏不見人。押不蘆花。顏色改。肉屏獨坐。細思量。西山鐵立。霜瀟灑。踏裏彩。被也吐嚕。無知也。押不蘆邊地起死回生草名。肉屏。橐駝也。語雖不雅馴。以節故傳焉。平章旣死。梁王愛楊淵海之才。欲收爲己用。淵海亦不屈。題詩于壁。仰藥而死。梁王厚恤之。令隨平章構歸葬大理。大理舊臣仍奉功子段寶事之。梁王遣使刺之。凡七攻大理。不克。乃講和。奏陞寶爲雲南左丞。未幾明玉珍復侵善闡。梁王遣叔鐵木的罕借兵大理。時寶已長。答書

僧奴通志
作羗奴亦
能詩

云殺虎子而還喂其虎母分祖粟而自詐其祖公假
途滅虢獻璧吞虞金印玉書乃爲釣魚之香餌繡閨
淑女自設掩雉之羅網况平章旣亾弟兄罄絕今止
遺一蔡一奴奴可再贅華黎氏蔡又可配阿蓋妃如
此事諾我必借大兵如其不可待金馬山換作點蒼
山昆明池改作西洱河時兵來矣時寶姊僧奴亦志
不忘復讐將適建昌阿黎氏出手刺繡文旗以與寶
曰我自束髮聞母稱父冤恨非男子不能報此旗所
以織也今歸夫家收合東兵飛檄西洱汝急應兵會

善闡夫段功一戰而勝矜功怙寵自蹈禍機宜無足
道者乃其妻與臣之從一而終旣如彼子與女之立
志復讐復如此蓋亦有可稱者焉其後明太祖定蜀
寶遣其叔段真自會川奉表歸款明亦有書報之時
有妖巫女歌曰莫道君爲山海主山海笑諧諧國中
花謝千萬朵別有明主來寶數日病死子明嗣洪武
十四年遣使授明宣慰使未幾死叔世權國事明年
潁川侯等兵破善闡師至威楚段世遣使致書請依
唐宋故事奉正朔修歲貢友德不從荅書令速降世

大官曰大
定戎方天
下靈帝小
官曰大聖
信苴利物
靈帝以正
月十六日

致祠水旱
必禱張志
淳曰蒙氏
僭號以祀
始祖今永
昌人以爲
滇人憐苴
仁苴義之
失國而祀
六

怒。再上書陳利害。詞旨鴛驚。書大抵皆言蒼洱兩關
之險。難以兵取。友德惡其悖慢。春三月。師薄大理。夜
遣別將緣點蒼山巔。繞出下關之背。先樹旗幟。遲明。
段兵驚潰。明師斬關入。擒段世。及段寶二孫。苴仁。苴
義。送金陵。上面諭曰。爾祖寶曾有降表。朕不忍廢。賜
苴仁名歸仁。授鴈門衛鎮撫。苴義名歸義。授永昌衛
鎮撫。餘頭目悉伏誅。予至永昌。過大官小官廟。問其
名。云卽苴仁。苴義也。段氏據大理三百五十年。興智
失國。信苴日復爲總管。傳至段明。今其子孫尚有襲
天之報。施不可信哉。

州正佐者高泰祥之後。亦至今世爲姚安郡丞。孰謂

天之報施不可信哉。

明三將軍定雲南

明洪武元年。元順帝北遁。三年。殂於應昌。太子代立。以宣光紀年。梁王柏匪刺瓦爾密。據雲南。猶延元朝。洪武四年。四川平。五年。遣翰林院待制王禕。持詔諭之。梁王遲延不決。禕陳說利害。王心然之。館禕於別室。會元嗣君遣侍郎脫脫由西番。至滇索餉。欲連兵恢復。覘知其事。促梁王殺禕。以絕二心。禕遂以六年十二月遇害。七年。遣故元威順王子伯伯諭梁王。八年。梁王遣鐵知院等使漠北。爲徐達所獲。解京。明太

祖釋之。又使湖廣叅政吳雲與之偕至雲南諭降。及境。鐵知院等謀逼雲。改服入雲。不從。復見殺。十四年。秋九月壬午。命穎川侯傅友德爲征南將軍。永昌侯藍玉爲左副將軍。西平侯沐英爲右副將軍。率師三十萬征雲南。列侯曹震。王弼。金朝興。都督郭英。張銓等俱從。上親諭之曰。元孽自恃險遠。殺害使臣。在所必討。取之之計。當自永寧先遣驍將。別率一軍向烏撒。大軍自辰沅入普定。分據要害。乃進兵曲靖。此地滇之咽喉。彼必併力以抗我師。審察形勢。出奇制勝。

正在於此。旣下曲靖。三將軍以一人提兵向烏撒。應永寧之師。大軍直擣雲南。會城旣定。分兵徑趨大理。其餘部落可不煩兵而下也。師行。親餞於龍江。丁未。至湖廣。分遣郭英等。率衆五萬。由四川永寧向烏撒。大軍由辰沅趨貴州。十二月。攻普定。普安。俱下之。進抵曲靖。梁王遣司徒平章達里麻。將兵十萬屯曲靖。沐英曰。彼謂我師疲於深入。未有虞心。若倍道疾趨。出其不意。破之必矣。友德然之。未至數里。忽大霧四塞。遂至白石江。頃之霧霽。達里麻望見大驚。友德卽

沐英善謀
當在穎國
之上

撫而遣之
便是擒縱
遺旨遠人
心服古今
一理

欲濟師。英曰：我軍遠來，形勢既露，固宜速戰。然亟濟，恐爲所扼。乃整師臨流，勢若欲渡。達里麻悉精銳扼汪岸，英別遣數千人從下流潛濟，出其後。鳴金鼓，樹旗幟。達里麻急撒衆禦之，陣動。英乃拔劍督師濟江，破其前軍，敵氣索退數里而陣。明師畢濟，友德麾兵進薄之。矢石雨發，聲動天地。敵衆披靡，遂大敗。生擒達里麻，俘其衆數萬，悉撫而遣之。蠻人皆喜。曲靖既定，留兵守之。友德自將北攻烏撒，以應永寧之兵。分遣藍玉、沐英率師西趨雲南。癸酉，玉等至板橋，梁王

棄城走。雲南省右丞觀音保以城降。玉等整衆入城，收符信圖籍，撫定其民，秋毫無所犯。自出師至是，僅百日。梁王在晉寧州，忽納砦，赴滇池死之。傅友德自曲靖趨烏撒，郭英等已出永寧，攻赤水河，守兵破之。元右丞實卜斂衆拒守，友德大軍至，實卜遁，遂城烏撒。版築方具，實卜引諸蠻復集，友德督兵奮擊，大破之。斬首三千級，得七星關，以通畢節。進至可渡河，於是東川烏蒙、叻部望風歸附。分遣諸將進取臨安各路。十五年正月辛巳，威楚路平章閻乃馬百叅政列

車不花等。赴曹震營降。壬午。曲靖宣慰司樞密同知
怯烈該等。及中慶武定。澂江三路達魯花赤等官。俱
赴藍玉沐英營降。甲午。遣使諭傅友德等曰。雲南已
克。區畫布置。尚煩計慮。前已置貴州都指揮使司。然
離雲南遠。必另置司以統諸軍。既有土有民。又必置
布政使司。及府州縣以治之。烏撒烏蒙。東川。叆部。建
昌之地。更宜約束。渠長。畱兵守禦。禁民勿挾兵刃。至
如靄翠等。不盡服之。雖有雲南亦難守也。遂置雲南
都指揮使司。以都督謝熊馮誠署司事。二月。置雲南

布政司。以汝南侯梅思祖。平章潘原明。署司事。張統
等爲參政。參議等官。改中慶各路爲雲南等府。閏二
月。靄翠至京。賜衣帽及鈔。遣還。靄翠者。水西宣慰安
氏之祖也。大理段世致書友德。請依唐宋故事。奉正
朔爲外臣。友德諭令速降。世自恃遠險。無降意。連以
書來。詞旨鴛鴦。友德怒。於是藍玉沐英等進兵至品
甸。段世以兵五萬扼下關。玉等遣王弼率兵出洱水
之東。趨上關。爲犄角勢。自率衆抵下關。造攻具。夜半
遣都督胡海由石門間道。遶出點蒼山。後攀木援巖。

立旗幟。遲明大軍望之。踴躍謹譁。敵衆驚亂。英先驅渡河水。沒馬腹。將士隨之。遂斬關而入。山上軍亦下。腹背夾攻。段兵大潰。進拔大理城。獲段世及段寶二孫。乃分兵取鶴慶。畧麗江。破石關。下金齒。於是車里麼些和泥平緬等處相率歸附。雲南平。三月藍玉遣兵攻拔三營萬戶砦。北攻建昌。故元平章月魯帖木兒降。更定雲南所屬府二十有二。州六十有三。縣五十有四。遣使以故元威順王之子伯伯及梁王家屬三百一十八人送京師。且請以要害量宜設衛戍守。

元季田土多爲豪右隱佔。歲用不足。宜以今年所徵糧并故官院寺入官田租。與土官供輸。鹽商中納。戍兵屯田所入并給之。悉報可。仍置雲南鹽課司。以益軍實。夏四月。烏撒東川苾部復叛。友德移檄沐英合兵進討。六月置大渡河守禦千戶所。命吳中率兵守之。造舟以通往來。仍諭安陸侯吳復。平涼侯費聚會征東川諸蠻。秋七月。沐英自大理還軍。與傅友德進攻烏撒。大敗其衆。斬首三萬級。獲馬牛羊萬計。餘衆遁去。捕擊悉平之。乃以烏撒烏蒙苾部等府地近四

三論

明祖平滇
前後下璽
書懸斷萬
里外委曲
皆中機宜

川奏隸四川布政司。八月遣使諭友德等曰：得報知永昌侯駐建昌，大軍已破烏撒。次第搜捕林箐諸蠻，山高道隘，慎勿輕動。聞諸蠻多逃入靄翠境，可諭令縛送軍前。其關索嶺非古道，古道又在西北，可以大軍蹂之。開此道以接普定，即叅部渠長，可盡獲其熟圖之。已復遣使諭曰：雲南士卒既艱食，不宜分屯。止於赤水畢節七星關各置一衛，黑張之南瓦店之北中置一衛，則道路可無礙。靄翠之地必用十萬衆，乃可定也。此其大概耳。萬里之外將軍便宜自處，置時

將種

友德等方分兵攻未服諸蠻，土酋楊苴等謂城守虛弱，遂相煽叛，糾衆二十萬，合三十六營兵攻城。時城中乏食，士卒多病，守將馮誠、國用子也。與謝熊嬰城固守，備樓櫓戰具，多置強弓弩於城上射賊。伺賊怠輒出奇兵擊之，賊不能破，遂圍城為久困計。沐英在烏撒聞報，馳回至曲靖，先遣人報城中為賊所得，給之曰：總兵官領大軍三十萬至矣。賊驚恐，拔營遁。至安寧羅次，邵甸晉寧大襟江川等處，據險樹柵。英至與馮誠等合兵勦捕，斬首六萬餘級，生擒四千餘人。

諸部復定。十六年二月。送故元右丞觀音保。叅政車里不花。及段氏等一百六十人至京。各賜其家衣服。以觀音保爲金齒指揮使。賜姓名李觀。以段寶二孫段直仁直義。爲永昌鴈門二衛鎮撫。以寶在時曾有降表也。先是沐英自大理回。故元普顏篤復叛。據佛光砦。先不花陷鄧川。高生圍雲南縣。金齒土官高大惠并也先虎都。構麓川彝入寇。屠永昌。友德自七星關回兵。率郭英等西討。破佛光砦。普顏篤自焚死。遂過金沙江。攻北勝府下之。擒高生并畧鄧川。進平麗

江平津等州。蠻民降者數十萬戶。高大惠逃。爲白人所殺。因置大理指揮使司。以周能守之。麓川之外。有緬國。八百媳婦國。皆內附。於是遣耿炳文諭傅友德。藍玉等班師。畱沐英鎮雲南。別命列侯王志佐。成張龍分赴尋甸各府。繕城池。立屯堡。安輯其人民。十七年四月。進封傅友德穎國公。藍玉仇成世襲。陳桓胡海郭英張翼皆爲侯。八月。麓川思倫法遣使獻方物。上元所授平緬宣慰司印。十月。以曹震開建昌新道。向眉州。各置驛。徙中土大姓以實雲南。十八年。東蘭

友德一至
雲南

滇攷 卷下
州韋富及廣南特磨道復亂。沐英討平之。永昌李觀亦討段酋平之。十二月思倫法反。寇景東。馮誠擊之。失利。十九年二月。雲南臻洞西浦擺金擺榜諸蠻叛。復命傅友德率師討平之。并討平越蠻麻哈楊孟等。九月。沐英請廣置屯田從之。二十年五月。諭沐英勿遣使往平緬。葺壘固守以待之。英自楚雄至景東。每百里置營。率兵屯種。以防蠻寇。已復命曹震率四川精兵與陳桓葉昇等分駐各府。立營屯種。候征討。二十一年春。思倫法入寇。結砦于摩沙勒。沐英遣都指

揮甯正擊破之。斬首一千五百餘。三月。思倫法悉其衆號三十萬。戰象百餘。復寇定邊。以報摩沙勒之役。英選三萬騎。晝夜兼行。凡十五日。抵賊營。遣都督馮誠先出輕騎三百挑之。賊以萬人驅象三十餘逆戰。指揮張因率騎卒五千餘人爲前鋒。其渠跨巨象直前。諸軍注矢連發。矢中象左膝及脇。象仆地。渠長走。追射殺之。諸軍譟而前。殺賊數百人。獲一象而還。英喜曰。賊不足平也。乃下令軍中置火銃神機箭爲三行列陣中。俟象進。則前行銃箭俱發。不退。則次行繼

之。又不退。則三行繼之。詰旦分軍爲三隊。馮誠領其前。甯正領其左。都指揮湯昭領其右。將士皆鼓勇而進。賊悉衆出營。結陣以待。其渠帥把事招綱等皆乘象。象披甲背負戰樓。若欄楯。懸竹筒於兩傍。置短槊。其中以備擊刺。陣旣交。羣象突而前。諸軍擊之。矢石俱發。聲震山谷。象皆股栗走。指揮張因千戶張榮祖率騎士乘之。直擣其柵。遂縱火焚其寨。煙焰張天。還復以兵邀擊之。殺傷甚衆。賊黨有昔刺者亦驍勇。復率衆殊死戰。左帥少却。英登高望之。命左右取其帥

之首來。左帥遙見一人拔刀飛騎而下。率衆更進。英督戰益急。不移時賊衆大敗。斬首三千級。俘萬餘人。生獲象三十有七。餘皆被矢如蝟。死渠帥刁斯郎。理各中百餘矢。斃象背上。餘賊潰。英率師追襲之。賊連日不得食。死者相枕藉。思倫法遁去。六月。東川蠻復叛。命傅友德爲征南將軍。沐英陳桓爲左右副將軍。曹震葉昇爲左右叅將。討之。九月。越州土目阿資叛。阿資本苦麻部蠻也。沐英諭降之。至是叛。傅友德等將兵至平彝。以山勢險峭。遷其山民於早上村。留兵

友德三至
雲南

立柵其上。阿資寇普安。焚劫府治。友德進擊之。斬其渠滿巴青。二十二年春。阿資倚崖壁爲營。友德以精兵促之。蠻衆皆緣壁攀崖。墜死者不可數計。生擒一千三百餘。阿資遁還越州。自恃萬山之險。官軍不能至。沐英使甯正從友德合擊。大敗之。斬其火頭弄宗等五十餘人。因請置馬龍越州二衛。扼其衝要。分兵追捕之。阿資窮蹙。降曹震葉昇等。領兵分討東川諸蠻。亦悉平。是年冬。思倫法遣招綱等來言逆叛之謀。皆其下才廝郎等所爲。以象馬白金入貢。自洪武十

四年。遣將出師。至是凡九年。而滇始大定。沐英畱守。友德凡三至。迨二十五年。建昌降將月魯帖木兒反。藍玉復自罕東移師。與瞿能等討誅之。建昌自滇入蜀之通津也。三將軍平雲南。功不在漢。郭昌劉尚下。而曹震陳桓費聚葉昇等次之。卒之玉以謀逆誅。友德亦不良。死。震等先後坐逆。黨俱不保。首領其得終有茅土者。西平侯而下數人耳。嗚呼。報功之典。何如哉。

立柵其上。阿資寇普安。焚劫府治。友德進擊之。斬其渠滿巴青。二十二年春。阿資倚崖壁爲營。友德以精兵促之。蠻衆皆緣壁攀崖。墜死者不可數計。生擒一千三百餘。阿資遁還越州。自恃萬山之險。官軍不能至。沐英使賓正從友德合擊。大敗之。斬其火頭弄宗等五十餘人。因請置馬龍越州二衛。扼其衝要。分兵追捕之。阿資窮蹙。降曹震葉昇等領兵分討東川諸蠻。亦悉平。是年冬。思倫法遣招綱等來言逆叛之謀。皆其下刁厮郎等所爲。以象馬白金入貢。自洪武十

四年。遣將出師。至是。凡九年。而滇始大定。沐英畱守。友德凡三至。迨二十五年。建昌降將月魯帖木兒反。藍玉復自罕東移師。與瞿能等討誅之。建昌自滇入蜀之通津也。三將軍平雲南。功不在漢。郭昌劉尚下。而曹震陳桓費聚葉昇等次之。卒之玉以謀逆誅。友德亦不良。死。震等先後坐逆。黨俱不保。首領其得終有茅土者。西平侯而下數人耳。嗚呼。報功之典。何如哉。

沐氏世裔

沐黔寧昭靖王英。鳳陽定遠人。明太祖初起。英以童
穉謁見。上養以爲子。累功加昭勇將軍。洪武元年征
福建。擒陳友定。賜復本姓。三年陞都督僉事。四年轉
同知。十年同征番部有功。封西平侯。食祿二千五百
石。賜鐵券。十一年拜征西將軍。征西番。降元萬戶乞
失加等。平地數千里。十三年征和林。元國脫火赤愛
足全部皆降。明年出古北口。平四郡。還京。拜征南右
副將軍。同傅友德、藍玉征雲南。不十旬。雲南底定。十

詳見前篇
此處以數

語括之

六年詔友德等班師留英鎮守二十二年朝京師宴於奉天殿賜金銀楮帛以萬計建宅鳳陽居十日遣還鎮上送之曰汝在朕無西南之憂矣是年冬周王櫛出鎮雲南未幾召回徙封岷王於雲南二十五年六月丁卯西平侯英卒年四十七滇人言是時胡藍之獄株及諸勳臣至多英自知不免一日使至賜英刀繩藥酒三物英出迎於南城外即仰藥死世相傳為哭懿文太子致嘔血云視至京上啓棺慟哭追封黔寧王謚武靖英五子其一早卒長春次晟次昂少

世所未傳

子昕尚太宗公主屢掌南京都督府事春嗣侯以才武稱二十八年越州土酋阿資復叛春討誅之三十年麓川蠻刁幹孟逐其宣慰思倫倫至京訴詔春討之擒刁幹孟三十一年春卒謚惠襄無子弟晟嗣晟字景茂少凝重端慤寡言笑愠喜不形於色而質穎敏讀書強記明太祖愛之甫冠即授後軍都督僉事進左都督既嗣侯代鎮雲南與岷王不相能上貽書王謂晟少孤不練事毋深責之吾當別勅晟然卒以他故移王封武岡而晟鎮自如永樂初太宗疑建文

明初做元制兩剪桐葉皆隨撒同沐氏以異姓作藩

屏三百年
無二志可
謂委任得
人

帝匿晟所。使使調察。無狀乃止。車里宣慰刁暹答叛。執威遠州知州。晟諭以禍福。暹答懼。還州官入貢謝罪。八百土酋入寇。晟出次蒙自。蠻遁去。督兵窮追。斬其酋以徇。上賜璽書獎勞。四年。以左副將軍同新城侯張輔分道伐安南。先是安南國王陳日焜爲其臣黎季犛所殺。季犛上表竄姓名。詐稱陳氏絕嗣。求署國事。踰年日焜之孫陳天平至京。愬實。上遣使詰問。季犛卑詞表請天平還國。上遣廣西都督黃中等送天平歸。季犛伏兵殺天平。中等引還。上怒。故遣將分

道出師。晟奉命由野蒲伐山通道。先驅入安南。奪猛烈棚華關隘。築堡駐師。以造舟。分遣諸將出宣光江口。舁舟夜至洮水。沂流力戰。連舟爲浮橋。濟富良江。與大軍會。合攻多邦城。柵破之。遂擣東西都及盤灘等處。所至如破竹。賊不能支。黎季犛父子走海上。追至日南奇羅海口。悉就擒。械送京師。安南平。得郡四十八。縣百八十六。戶三百十二萬五千九百。還朝。進封黔國公。食祿三千石。賜誥券。子孫世襲。再宴於便殿。還鎮雲南。是年冬。安南陳氏故臣簡定復反。命晟

王舟州謂
晟將略非
所優以此

爲將軍討之。不利。於是英國公輔復受命出。與晟合
討。獲定等檻送京師。伏誅。簡定所立陳季擴尚未平。
晟畱討不能下。輔復至。與晟同破賊於愛子江。追至
老撾三關。執季擴并其妻子以歸。受恩賚如輔。富州
土官沈絃經抗化。晟受命赴討。諭以禍福。絃經歸命。
是時汝南王徙居大理。凡十載。以母薨召歸。晟終太
宗之世。恩寵無間。仁宗立。召入宴勞。賜金幣。加太傅。
宣英二帝嗣位。賞亦如之。正統三年。麓川思任反。侵
畧騰衝南甸。晟受命致討。意在撫諭。都督方政爲先

鋒。破平景罕等寨。斬首三千餘級。獲象二十餘。乘勝
深入。遇伏力戰死。詔問失事狀。晟旋師楚雄。歎曰。雖
偏將違令。吾總師安所辭咎。飲藥卒。追贈定遠王。謚
忠敬。五月。以沐昂爲左都督。掛晟印。充總兵。率諸將
征麓川。昂率師由干崖南甸至隴把。破其關寨。五年。
晟子斌襲封黔國公。是年秋。廣南維摩師宗。沙人儂
人作亂。都督昂平之。明年。王驥。蔣貴等征麓川。昂以
功遷左都督。十年夏。六月。昂卒。追封定邊伯。謚武襄。
命沐斌代鎮。景泰元年冬。斌卒。贈太傅。謚榮康。子琮

幼以侄璘爲都督同知鎮雲南。天順元年璘卒。又以璘弟瓚代之。成化元年琮旣冠入朝。襲封黔國公。三年還鎮。正尋甸廣西土官之罪。請設流治。屢平諸蠻。以功晉太子太傅。賜勅褒獎。弘治九年卒。謚武僖。無子。以都督同知瓚之孫都指揮使誠之子崑嗣。朝議謂崑爲西平侯裔。孫當從侯爵而守。臣爭之。謂南人知有黔國公。不知有西平侯也。侯之恐爲所輕。崑十四歲以公代鎮。發兵平龜山竹箐蠻。諭定孟養孟密之爭寨者。又合川貴二鎮兵。平宋魯亂。再擒師宗州

賊張長受。南安亂酋那代。三賜璽書獎諭。再益歲祿百石。加太子太傅。正德十六年卒。贈太師。謚莊襄。子紹勛嗣。嘉靖十六年卒。謚敏靖。子朝輔嗣。嘉靖二十六年卒。謚恭僖。兩公皆加太子太傅。贈太傅。朝輔二子融輦皆甫襲而殤。弟朝弼當嗣。虐其嫂。且錮之。不使還南京。於是上疏相許。久之始得襲。其淫惡益甚。且旅拒王命。隆慶六年詔削其爵。以子昌祚嗣。而朝弼復欲殺其子。逮至京。錮於南京之故第。以幽死。萬曆十三年平岳鳳。論功加昌祚太子太保。二十四年

乞休。子獻代鎮。二十九年以平順大土酋功。晉獻右都督。三十五年武定尋甸諸酋反。圍省城。昌祚因論奏獻。與巡撫陳用賓俱被逮。起昌祚原官。屢進少傅。兼太子太傅。天啓四年十二月卒。明年孫啓元襲。狂悖無道。屢與撫按構難。崇禎三年暴卒。子天波襲。是時中原多故。惟雲南一隅自保。其後土逆沙定洲作亂。陷省城。天波遁永昌。流寇孫可望李定國乘機入雲南。襲執天波。脅之號召土司。擁主抗命。順治十六年大兵至。天波從遜緬甸。爲所殺。沐氏自黔寧王英

至。天波凡二王一侯一伯九國公四都督。明開國功臣。傳世最盛。且久者。惟徐沐二氏。夫中山行事。人人能言之。予讀滇志。稱黔寧在鎮十年。墾田九十七萬畝。招撫貳民。始知有生定遠。記人之善。忘人之過。蠻彝干法。不忍加誅。用兵行師。非遇有罪。不輕戮一人。然則其世保滇南。爵上公。非倖也。宜也。武僖而後多。雍容好翰墨。間不免驕佚。顧諸蠻習其威德。猶樂爲用。至天波流離異域。不屈以死。亦無愧其祖宗矣。

後之守滇者能如是乎

滇志 卷之六 三

建文遜跡

按明紀靖難兵破南京。建文帝以被火聞。實得太祖遺命。薙髮從水關出。自蜀入滇。常往來廣西貴州諸寺中。正統庚申。出思恩語寺僧道實。當事不敢隱。以聞於朝。迎入大內。以壽終。常賦詩云。牢落西南四十秋。蕭蕭白髮已盈頭。乾坤有恨家何在。江漢無情水自流。長樂宮中雲氣散。朝元閣下雨聲收。新蒲細柳年年綠。野老吞聲哭未休。天下傳誦之子。至滇求其遺跡。則今武定府獅子山龍隱庵中。其像與詩俱存。

云父老又言。初至滇游城中五華寺。坐磐石上良久。寺僧馳報沐晟。晟密使人覘知之。延至家居數日。送赴武定山中。語雖無徵。王弇州作昭靖傳亦言成祖嘗疑建文帝匿晟所。使人調之。則此固非滇人之私言也。萬曆末年。致身錄與從亾日記出。所紀帝至滇年月。歷歷可攷。以爲帝初出。卽欲至滇。依西平侯史彬止之。曰。大家勢盛。耳目衆多。况新主意尚未釋。能無見告。帝遂往來吳楚間。永樂元年春正月十三日。至雲南永嘉寺。道人程濟僧應能應賢從。應賢松陽

御史葉希賢。應能杞縣王府教授。楊應能也。皆以名與太祖所遺度牒合。而雍髮相從者。程濟精於術數。嘗預報靖難兵必起。下獄後。以編修監盛庸軍。夜祭紀功碑。得碰去姓名。免於株及者也。二年正月。帝離雲南。由重慶襄陽入吳。游天台雁蕩。比冬而返。四年夏至沐晟家。畱旬日。遂結茆白龍山。六年夏。白龍庵災。程濟出募。七年春。復東行。八年回庵。遇工部尚書嚴震於雲南道中。震自縊驛亭。未幾。史彬程亨郭節至。庵訪帝。進方物。已而棄庵他出。九年春。有司毀庵。

夏至浪穹別建庵名大喜十年春應能卒是夏應賢
卒另納弟子曰應慧十三年秋游衡由冬還庵十五
年冬復至衡十六年還十八年入蜀十九年還自粵
東二十年避囂於庵東四十里名淥泉二十一年入
楚遂東游吳越由寧波泛海洪熙元年夏從閩粵還
山宣德二年春移居鶴慶是秋滇亂因入蜀三年至
漢中四年夏還六年赴陝西至延安還蜀七年入楚
至杭州吳山復游天台八年秋還滇十年至粵西正
統元年還居浪穹二年游峨眉冬還滇三年復至粵

西程濟屢勸還滇不聽濟筮之復不吉三年有同寓
僧楊應祥者詣思恩土知州岑瑛所自稱是帝因被
執同解北者十二人而帝亦與焉訊非是應祥伏誅
戍其黨帝老矣不欲遠行因自白其實使內監吳亮
驗之果是亮自縊帝入宮程濟聞之曰臣事畢矣回
滇焚庵散其徒帝在宮以壽終葬西山不封不樹右
致身錄與日記所載至詳述其畧如此近年錢謙益
據史彬行狀力辯其僞予在滇求帝踪跡於浪穹鶴
慶無知之者卽所謂白龍庵亦未詳其處豈卽今龍

夏至浪穹別建庵名大喜十年春應能卒是夏應賢
卒另納弟子曰應慧十三年秋游衡由冬還庵十五
年冬復至衡十六年還十八年入蜀十九年還自粵
東二十年避囂於庵東四十里名淶泉二十一年入
楚遂東游吳越由寧波泛海洪熙元年夏從閩粵還
山宣德二年春移居鶴慶是秋滇亂因入蜀三年至
漢中四年夏還六年赴陝西至延安還蜀七年入楚
至杭州吳山復游天台八年秋還滇十年至粵西正
統元年還居浪穹二年游峨眉冬還滇三年復至粵

西程濟屢勸還滇不聽濟筮之復不吉三年有同寓
僧楊應祥者詣思恩土知州岑瑛所自稱是帝因被
執同解北者十二人而帝亦與焉訊非是應祥伏誅
戍其黨帝老矣不欲遠行因自白其實使內監吳亮
驗之果是亮自縊帝入宮程濟聞之曰臣事畢矣回
滇焚庵散其徒帝在宮以壽終葬西山不封不樹右
致身錄與日記所載至詳述其畧如此近年錢謙益
據史彬行狀力辯其僞予在滇求帝踪跡於浪穹鶴
慶無知之者卽所謂白龍庵亦未詳其處豈卽今龍

隱庵乎而錄與日記又不載帝常至武定獅子山何也。要之建文帝不死於火出在外諸書言之甚明。當永樂時禁令苛切而不聞有告之以取寵者謂非有賢者相從以擁護之不能然矣。至欲確指其姓名則當時已自沒其跡。今世遠人亾復何由徵信哉。友人顧輿山岱守武定併為程濟等置主配帝於龍隱庵亦善善從長之意云。

征麓川

歷敘麓川
與袁足備
明史西
彝一傳

麓川一名百彝自漢以來叛服靡常元中統初始內附至元十三年分置各路以大理金齒都元帥統之有所督則委官以往冬去春還至正初麓川路思可法數有事於隣境諸路以狀聞命河南叅政賈敦熙討之以瘴起還師戊子再命塔失把都魯討之亦不克引還可法遂乘勝併吞諸路猶懼朝廷再舉伐之遣其子滿散入朝以輸情款元寢而不問麓川之強始此思可法死其子昭併嗣立為宣撫八年傳子臺

遍一年而昭併之弟昭省殺臺遍而自立。踰年盜殺昭省。其弟思瓦代立。明初負固不服。洪武壬戌。其部屬答魯方刁斯郎殺思瓦。法而立其侄思倫。倫卽滿散之子也。明年陷永昌。屠其城。執指揮王真。西平侯沐英遣部校郭均美往諭。倫內附。放王真還。朝廷推柔遠之恩。置麓川宣慰司。以倫爲宣慰使。丙寅復寇景東。明年部屬刁斯郎入犯定邊縣。沐英大破之。始懼而款服。後爲其下刁幹孟所逐。奔訴京師。使沐春何福等將兵送之。何福擒幹孟。思倫乃得還。永樂十

詳見前篇

思氏中絕

五年設四彝館。其在西南者百彝。與緬居二焉。思倫死。子思行立。思行死。子思暗立。宣德中與木邦相讐。殺因而失官。改孟養宣慰司。以刁氏代之。正統初刁玉賓弱。不能輯諸彝。思倫法次子思任。雄黠善用兵。每言其先世大誤。豈有奴與主並之理。遂擁衆麓川。畧取孟養地。刁玉賓奔永昌死。無嗣。正統三年侵孟定。灣甸南甸潞江等處。大肆殺掠。尋攻陷騰衝衛。雲南震動。事聞遣刑部主事楊寧往諭之。不服。四年春正月命黔國公沐晟率左都督方政右都督沐昂討

思任法復
強

之。太監吳誠曹吉祥監軍。兵至金齒。思任遣其將緬簡。斷江立柵而守。師不得渡。初思任未叛時。刁玉賓常遣詣晨。晨見畜之。至是晨遣指揮車琳等諭之。降。思任佯許諾。晨信之。無渡。江意楊寧曰。不可。兵未加。稱降。此詐也。懼有後悔。晨不從。檄寧督餉金齒。賊將緬簡數挑戰。政怒。造舟六十艘。欲渡江。晨不可。政不勝憤。夜獨率其麾下渡江。擊緬簡。追至景罕寨。破其賊柵。斬首三千餘級。獲象三十餘。政與其子瑛。部將顧勇等。乘勝深入。逼思任上江。頃之。伏四發。政求救。

晨怒其違節制。渡江。不遣久之。以少兵往。時兵疲食盡。政知晨不力。援。乃謂子瑛曰。汝急歸。以全吾宗祀。吾死分也。瑛牽裾不釋。政舉刀欲砍之。曰。吾為將。受命討賊。非死莫報。汝何為。瑛乃登舟還。政復策馬突陣。賊為披靡。忽馬躓路。墜為賊攢刺而死。顧勇等一軍皆沒。晨聞敗。會春暮瘴發。燒江上積聚。還師金齒。事聞。贈政威遠伯。謚忠毅。遣使至雲南。諭祭。仍詔祠於金齒。勇等四人皆從祀。晨至楚雄。飲藥卒。思任犯景東。孟定。殺大侯知州刁奉漢等。破孟賴諸寨。降孟

連等長官司。五月以沐昂爲左都督征南將軍。右都督吳亮爲副將軍。馬翔張榮爲左右叅將。進討思任。昂上潞江之捷。陞賞有差。五年春二月。沐昂討麓川。軍抵隴把。去賊巢甚近。張榮先令都指揮盧鉞擊賊。大敗。榮棄符驗軍器遁。昂等不能救。師還。勅責沐昂等。留昂鎮守。吳亮馬翔俱逮下理。秋七月。思任屯孟羅大掠。據者章硬寨。沐昂率都指揮方瑛柳英等進克之。賊宵遁。威遠州土知州刁蓋罕戰威江亦敗之。已而思任遣流目陶孟怵怕等入貢。禮部議減其饗。

賚。上曰。彼來雖緩我師。而朕不逆許。遂賚而不宴。賜勅諭之。六年春正月。命定西伯蔣貴爲征蠻將軍。總兵討麓川。以太監曹吉祥監軍。兵部尚書王驥提督軍務。侍郎徐晞督軍餉。初。思任貢使至。刑部侍郎何文淵上言。宜寬其天討。大學士楊士奇是之。英國公張輔謂。思任世職六十餘年。屢抗王師。釋此不誅。恐示弱。小彛非策。上從之。遂命貴驥先赴雲南。復以副總兵李安。叅將宮聚。領川貴兵。副總兵劉聚。叅將冉保。領南京湖廣兵。大發兵十五萬。轉餉半天下。驥薦

廟謨

蓋從此無
土木之變
矣

太僕寺少卿李蕢。郎中侯璉。楊寧。主事蔣琳等。爲參謀。陞辭賜驥貴等金兜鍪細鎧。弓矢蟒衣以行。侍讀劉球上疏言。麓川荒遠偏隅。卽叛服不足爲中國輕重。而脫歡也。先併吞諸部。侵擾邊境。議者釋大憂。攻小寇。舍門庭之近。圖邊徼之遠。非計之得也。請罷麓川兵。專備西北。不報。蓋王振專政。欲示威。荒服也。五月。驥等至雲南。會賊方困大侯州。驥遣將冒暑赴援。破之。斬首數百級。獲其象馬。大軍進至金齒。分爲三道。十一月初五日。俱會上江。夾攻三日。不下。驥令縱

火焚柵。因督衆乘之。斬首數萬級。賊衆敗走。保南甸之沙木籠山。爲連環七寨。驥麾兵深入。攻其中寨。各哨俱奮。大破之。賊勢窮迫。死者八萬餘。十二月。王驥等直搗巢穴。山周三十里。柵堅塹廣。其東南依江壁立。以三千人探之。賊象陣伏泥溝。突起敗之。賊又自永毛摩尼寨。至馬鞍山。伺我後。令都指揮方瑛。以六千人攻拔之。而右叅將冉保。從東路。合木邦車里大侯之兵。先後斬三千三百九十餘級。於是進攻麓川。積薪焚其柵。思任乘舟走緬。獲其妻妾象馬寶玉無

算子思機潛匿孟養移兵討之。捷聞。召驥等還。會維
摩州蠻韋郎羅作亂。自稱廣新王。驥遣指揮萬城擊
之。郎羅懼。逃入安南。驥檄示禍福。安南人斬其首來
獻。七年春。驥等至京。上宴於奉天門。論功。封驥靖遠
伯。進封蔣貴定西侯。並賜誥券。世襲。侯璉。楊寧。俱轉
侍郎。餘授官陞職者四百餘人。既而雲南報思任在
緬。冬十月。復命貴驥等督諸軍往取之。八年春。驥率
師至金齒。遣使檄緬。縛思任父子至軍前。仍進兵騰
衝。分遣沐昂。侯璉等率東路兵徑擣麓川。以陳儀領

前鋒三千。開南牙山。斷賊走路。使言緬願獻思任。欲
以重臣往取。驥難之。郭登請行。由金沙江入緬。緬酋
卜刺浪來會。頗驕蹇。登折之。緬氣阻。乃叩頭聽命。十
二月。登回其國。相緬刺劄。以思任載樓船來獻。時有
嫉登功者。乃議畱守沙壩。刺劄至貢章。不見登。遲疑
不敢獻。驥謂貴曰。此給我過江。則絕我歸路也。陳儀
又自詫知天文。以爲熒惑犯輿鬼。緬可伐。驥乃密令
蔣貴率師匝江而下。大戰一晝夜。焚其舟數百艘。刺
劄竟持任思去。貴子雄追之。兵敗自刎。東路兵克孟

三征麓川
而思任思
機皆不由
兵力得可
知柔遠之
策矣

養諸寨。思機亦潛竄。獲其妻子象馬而已。驥還仍以捷聞。王振庇之上。慰勞如前。加驥貴歲祿各三百石。命楊寧叅贊雲南軍務。十年冬。雲南千戶王政奉勅幣諭緬甸。許以孟養之地。易思任。卜刺浪喜。以思任及其屬三十二人付政。思任不食垂死。政遂斬首函獻京師。因以卜刺浪長子銀起奔爲孟養宣撫。而思任二子思機思卜尚潛居其地。起奔不能有也。十一年春。改麓川爲隴川。設宣撫司於隴把。以舊彝目恭項爲宣撫。降勅赦思機等罪。令其來朝。不至。更命黔

國公沐斌侍郎侯璉調緬甸木邦兵討之。至金沙江遣人招諭。機疑懼不肯來。緬甸兵亦不肯渡江。遂引還。十三年復議征麓川。王驥以原官總督軍務。授宮聚平蠻將軍印。率張軌田禮方瑛等統漢土兵一十二萬至雲南。檄木邦兵從征。緬甸兵備船南甸于崖隴川。兵備糧食。十二月大兵抵金沙江。賊柵西岸以拒。驥令構浮梁。亘千數百尺。麾兵悉渡。一鼓破之。賊歛衆保鬼窟山。立三大寨。驥乘勝而進攻。皆拔之。又破叻崖山各寨。踰孟養至孟那而還。諸酋皆震怖。謂

思氏復立

自古漢人無至此者。然思機思卜竟失所在。彝衆復立思任幼子思洪爲主。以狀來言。緬不能撫其人民。願立思氏。永當差發。時兵力已疲。因許之。礮石金沙江與洪誓曰。石爛江枯。汝乃得渡。遂班師。是時會川府訓導詹英劾驥玩法怙終。損兵失利。死有餘辜。昆明鄉官御史張淑亦劾驥師行無術。玩寇殃民等事。十四年二月。勅召驥還。至貴州。值諸苗倡亂。道塞不通。人皆留驥爲通道。驥曰。吾征麓川。非奉命殺苗也。去之。卒爲苗寇所截。官聚敗歿。詔驥代總聚兵還京。

終思氏之案

調侯璉提督貴州軍務。會土木告變。王振死。驥賞不行。景泰初。侯璉以平諸蠻功。轉兵部尚書。五年。緬執思機送京。獻俘。誅之。自此孟養與緬爲世仇。數相攻殺。嘉靖初。孟養思倫糾木邦宜慰罕烈擊緬。擄其宜慰。葬紀歲。後葬瑞體復強。并孟養而有之。思氏遂衰。

地。在干崖西。有諸葛武侯寄箭山。正統十一年設。以恭項爲宣撫。後改多氏。萬曆中分隴川副使多恭居遮放。同知多掩居猛卯。各據所分地。受部符。又其東北分孟定府地爲耿馬宣撫司。其南有蠻漠猛密三宣撫司。稍北近內接潞江。有芒市長官司。元時爲芒施路。明置府。改長官司。今亦稱宣撫。皆陞置在後。不得與三宣之數焉。六慰在三宣外。明初有十宣慰司。後止存其六。一曰緬甸。一曰孟養。孟養元時爲雲遠路。在諸司之西。又曰迤西。與緬甸皆自洪武時置。其

相攻滅。詳麓川事中。一曰八百大甸。卽元八百媳婦國。世傳其酋有妻八百。分居一寨。故名。洪武二十四年來貢。始置宣慰司。嘉靖間爲緬所兼。其酋刁氏避居景線。緬以弟莽應龍守景邁城。今久爲緬有矣。一曰車里。在八百東。卽古產里。湯時以短狗象齒爲獻。周公賜指南車。歸故名曰車里。元兀良台戍交趾。經其地降之。至元中置徹里路。明改車里軍民府。尋陞宣慰司。永樂中入寇。後懼而謝罪。萬曆十一年明伐緬。其酋刁孺猛使貢象。實陰附於緬。兄居大車里。應

緬使弟居小車里。應漢使焉。曰木邦。相傳爲蜀漢木鹿王之後。其地視諸司爲稍近內。元置總管府。明初改宣慰司。從征緬甸。麓川俱有功。益地頗廣。後與緬相仇殺。萬曆三十三年。陷於緬。緬以猛密思禮領之。曰老撾。在八百之東。車里之南。與交趾接壤。於諸彝爲最遠。自雲南行六十八日。始至其地。或謂卽古越裳氏也。周以後不通中國。永樂初入貢。置宣慰司。成化十五年。安南來侵。殺其宣慰。訴於朝。降勅切責安南。萬曆中。其西鄙纜掌亦爲緬所破。六慰雖俱

爲永昌徼外彝。然車里老撾其東。已與臨元接。稍內又有孟良孟定府。威遠州。孟璉鈕元二長官司。皆在元江景東順寧境外。其附屬順寧者有三猛。曰猛緬。曰猛撒。曰猛猛。更西與永昌相錯。有灣甸鎮康二土州。其極西則茶山里麻。近爲野人所殺掠。無噍類矣。大抵三宣以內。境日分分。則弱。六慰以外。地日併併。則強。今之在雲南南壤。忘設官之舊。儼然自爲一國者。西緬甸。東交趾而已。

二語已盡
邊外情形

鎮守太監

雲南之有監守太監。自宣德十年始。是時英宗初立。

闕宦弄權。始命內官張達鎮守雲南。麓川之役。吳誠

曹吉祥同在軍。其後正統時則郝寧。成化則錢能。覃

平。正德時則崔安。張倫。梁裕。史泰。而金騰亦有鎮守

太監。如王舉。孫敘。崔和。吉慶。劉玉。張誠等。與叅將並

駐。稱二鎮焉。大率皆掎剋士司。凌虐紳士。而貪殘之

狀尤莫甚於錢能。成化十二年。能私遣其麾下郭英。

往安南。假朝命求夜明珠等寶。凡朝廷使安南。皆道

明以內暨
亾國即一
方天下可
知矣

廣西未有自雲南者。於是安南人駭。遣使入問。欲因啓途縱之還。遣一酋率兵尾其後。至蓮花灘。英給其酋請先入。白守關者。遂脫歸。其酋駐兵不去。雲南大震。邊吏戒嚴。事頗聞於京。大學士商輅請舉剛正有爲。知識超卓大臣一員。巡撫雲南。乃改南京戶部左侍郎王恕爲左副都御史。無滇。恕至。檄按察司劉鈺捕英。英懼投井死。沒其寶物入官。其黨械送京師。誅之。又疏能貪虐於朝。先是能鎮雲南久。漸謀不軌。造紙甲極堅利。至百兩一副者。始千領。弓刀在公私者。

必擇而藏之。二樓或以告恕。將先收其兵甲。而後聞能覺。盡焚之。使所倖厚賂大學士萬安。兵部尚書王越。因亦誣奏恕。並下二疏於都察院。恕在滇閱月。疏二十上。直聲動天下。時錢能有錦背鸚鵡。能言。造一金籠。嵌以絕品珠石。號八寶籠。欲以進上。恕聞借觀之。啓籠縱去。能怨恕益深。廣以金寶賂當路。謀急去恕。未幾有旨召恕還。恕去能益肆虐。榜死人。不計。而瀨翁檳榔王二事。載在滇志。世爭傳爲笑柄焉。其時有副使陳麒。亦以骨鯁數與能相抗。卒坐削籍。他如

張璞之忤梁裕唐龍之劾崔和俱以不畏勢燄稱良
御史嘉靖元年巡撫何孟春請罷金齒二鎮改設府
治而金騰之鎮守革九年雲南右少監劉福安爲都
給事張潤所劾降三級巡按毛鳳韶連疏請罷鎮大
學士張璉亦以爲言而雲南之鎮守亦革萬曆中內
監楊榮復以督理鑛務至幾開邊釁竟爲亂軍所擊
死內監之貽害良非獨一也云

緬甸入寇

緬甸在元時已強明初役屬於麓川洪武二十六年
緬酋南速來朝二十七年六月始置緬甸宣慰司以
其長普刺浪爲宣慰賜鈔錠羅綺各有差二十九年
遣使來告思倫侵境事上命行人錢古訓李思聰齎
詔諭之思倫懼請罪永樂元年十月緬甸那羅塔遣
使來貢詔定平緬木邦孟養緬甸八百車里老撾大
古喇底馬撒靖定十宣慰司三年四月緬甸來貢九
月始給各宣慰金牌信符批文底簿命中官楊瑄往

論之。七月那羅塔謝恩入貢。四年緬甸與孟養刁木
日讐殺。勅行人張洪持節往諭。那羅塔遣使乞宥。許
之。十五年建緬甸館。宣德五年六月麓川思任及緬
甸莽得喇各遣使上言。木邦罕門占據其地。命黔國
公沐晟內官雲仙諭之。退地。正統初麓川思任遯緬
許緬以孟養之地。緬酋卜刺浪乃獻思任并其妻子
敗徒板蹇等。語詳麓川事中。弘治元年緬甸來貢。且
言交趾侵其地。二年遣編修劉穀諭交趾罷兵。嘉靖
初孟養思倫糾木邦罕烈擊緬破之。殺其宣慰莽紀

緬亂起於
瑞體

歲。遂瓜分其國。緬人赴闕訴。六年命永昌知府嚴時
泰等往勘。思倫夜縱彝兵鼓噪焚驛舍。時泰等僅以
身免。時值安鳳之亂。不遑問外事也。莽紀歲有子。生
於雪中。其體有光滿室。因名瑞體。紀歲為孟養所殺。
瑞體奔洞吾母家。洞吾酋養為己子。既長與養母通。
養父死。因有其地。洞吾之南有古喇。一名擺古。地濱
南海。與佛郎機諸國隣。兄弟爭立。瑞體和解之。俱德
瑞體。割馬草地奉焉。受其約束。號為噠喇。噠喇華言
公道主人也。瑞體舉眾絕其糧道。兄弟排來等俱死。

遂併有其地。又得緬僧佐以異術。樹海崗七十自衛。諸蠻畏服。尊爲金鑲白象主。時猛密酋思漢子思奔思糯相爭。奔訴於瑞體。瑞體殺奔。僞立思漢次子思琢。假途於琢以掠孟養。卽畱彝日卓吉守之。未幾卓吉爲奔壻猛乃酋別混所殺。瑞體破猛乃。執別混。三十一年總兵沐朝弼巡撫游居敬。上言瑞體侵軼鄰境。當預防內侵。時兵書楊博知緬事。悉覆如題議。自是滇始於蠻哈設兵。冬春防緬。隆慶元年藩司差指揮陳應繡。千戶潘應爵買象於猛密。其酋思哲送二

邊界無不
由貪起

弁於瑞體。時瑞體方侵車里。以茨棘錮之。後勝回乃遣還。二年木邦土舍罕拔遣使告襲職。有索賂者以兵備遲疑對。彝使歸報拔。拔怒。與弟罕章集兵截旅途。經年不令漢人通。後乏鹽。求於瑞體。瑞體餽海鹽五千簞。拔感。緬而志中國。遂攜金寶象馬詣瑞體。致謝。瑞體見拔歡甚。贈以寶帶。緬鐸。白象。罽錦。珍寶。香藥甚多。遂約爲父子。時有官府。只愛一張紙。打失地方。二千里之謠。云潞江安撫線貴。聞拔邀緬惠。不貲亦投瑞體。日洩中國虛實。教以吞隣內侵。瑞體割兩

多士寧知
義亦復知
兵真傭中
妓妓者

岡地與之。因遣使召隴川多士寧。士寧知順逆。乃宣天朝威德。聚米爲堆百餘。譬中國幅員之廣。如雲南其百一也。緬所轄特干一耳。幸勿妄動。瑞體念頗寢。士寧歸。遇貴於江滸。責其負國啓釁。抵隴川。值指揮方謐。率兵戍蠻哈。士寧語謐曰。亦知瑞體之策否。上策交罕拔。繇木邦衝順蒙。走滄洱。中策出木邦。背順蒙。趨老姚施甸。可唾手取永騰。蠻哈區區之隘。可恃以拒緬乎。謐默然。後士寧爲養子岳鳳所毒死。子多忠幼。干崖宣撫刀怕舉者。與罕拔雖親。而有隙。怕舉

死。罕拔言於瑞體。請襲干崖。隴川無主。必聞風歸附。拔願爲前驅。瑞體卜於緬僧。欲從之。其子應裏悍而多智。謂瑞體曰。隴川干崖雖無主。路遠難取。迤西思箇地廣兵強。爲我世讐。每欲乘我出襲我。倘我兵遠事隴川。彼以重兵順流南下。被禍非細。莫如稍助拔兵。聽其自取干崖。則成敗不在我。瑞體然之。借拔兵一萬。令取干隴。自率兵侵迤西。屢爲思箇所敗。箇亦退保猛倫。相持不決。隴川岳鳳見其主幼。陰欲據其地。乃賚重賄。投拜瑞體爲父。導之內侵。瑞體因調緬

多士寧忠於中國而不能保其妻子

兵萬餘為疑兵。出入於緬甸。迤西疆土。牽制思箇。復檄罕拔兵會隴川。岳鳳亦集兵數千。屯麓川東岸。聲言捍緬。實治牛酒為迎犒計。蠻莫頭目思哲亦迎降。緬瑞體納為義子。萬曆元年。緬兵至隴川。多士寧妻罕氏。木邦女也。力不能支。懷印信攜二子。多忠多孝。二女及姪罕朝光。潛奔永昌。當事不能救。惟令罕氏歸隴川。鳳見罕氏歸。遣書給罕拔。謂罕氏攜朝光往永昌者為爭汝官耳。鳳請為汝除罕氏朝光。以去禍根。拔甚喜。遣令罕章罕難等率緬兵五千。夜襲隴川。

可憐

罕氏攜二女走田中。為賊斷右臂而死。朝光亦被殺。二女沒於緬。多氏族屬殘滅殆盡。印為鳳得。鳳遂受緬鐸。據隴川。三年偽為錦囊象函書。具葉緬文。稱西南金樓白象主。莽噠喇弄王。書報天皇帝。中多狎侮之辭。皆鳳所為也。鳳又與拔哲定盟。必執思渾。下猛密。奉瑞體以拒中國。瑞體遣子應裏喇鮪。率衆二十萬。分戍隴干間。罕拔恃緬勢。召于崖刁怕舉弟怕文。曰。汝嫂我妹也。吾欲妻汝。并汝兄宜撫皆為汝襲。可據于崖以臣緬。怕文挾二子奔詣同知薛衛。守備李

映大

才怕文亦
知大義

滇瑛 卷下
騰霄言拔欲怕文背漢事。緬娶嫂滅姪。無天理。怕文世受國恩。願與戰。次日方戰。罕拔以緬兵大至。怕文潰奔永昌。姪怕宣寄食潞江。衛騰霄等退守羅卜思莊。拔取干崖印。令罕氏收掌。且與緬鐸。令其臣緬。又召蓋達副使刁思官。雷弄經歷廖元相。俱給以貝葉符。令佐罕氏守干崖。以防中國。金騰兵備副使許天琦。憤諸彝附緬。遣指揮侯度持檄招諭。至迤西頭目思箇。從違未決。乃刻木二。一書天皇帝號。一書莽瑞體號。率衆拜之。乃上。則天皇帝者。卓立几上。莽瑞體

者傾墜於地。由是決意向中國。瑞體惡其倡。諸彝內向。且世讐也。大發兵攻之。思箇告急。適天琦已卒。署事副使羅汝芳。知其事。厚犒來使。更給空頭劄付。約事成。官以世襲。令先回以待援。復陰募慣入緬商人。錫之金繒。令往緬地。默探其山川道理。兵馬糧儲。又檄近緬諸彝。說其向漢。依期援迤西。久之。諜者至。盡得緬情。乃檄調漢土兵馬赴援。師至騰越。思箇聞援兵將至。甚喜。潛令頭目烏祿刺送領兵萬餘。於阿瓦地絕緬糧道。督大兵伏於曼撒。誘緬兵入。截其歸路。

而坐困之。請令援兵自隴川邀其後。迤西兵衝其前。又令水兵開江中石閘。以衝潰緬舟。計定。緬兵果入。曼撒思箇堅壁不與戰。伏兵塞險隘。絕糧運。以俟中國援兵至。首尾共擊之。久之。緬兵困饑甚。以撮金易合米。始屠象馬。既剝樹皮掘草根。軍中疫作。死者山積。瑞體懼。請與思箇和。思箇不許。復遣使速援兵。時近緬諸彝如景邁猛鞏諸酋。密受汝芳檄者。各調勁卒。俟期共擊。無何有入賀行者。恐爲兵與阻。移書同事。合文止援。汝芳不聽。彼知汝芳意銳。仍合揭於巡

中國每自
失算

撫。以兵與禍連語。怵之。巡撫王凝馳檄止汝芳。汝芳接檄歎恨曰。敗迺公事矣。兵不得發。思箇困緬月餘。力已疲。望援兵不至。遠近怏怏。岳鳳知之。乃集隴川彝兵二千。兼程援緬。導之繇間道遁去。迤西知緬走。率衆追之。且追且殺。緬兵大敗。生還者十不一二。此萬曆四年十二月事也。一時士民以此爲大失機會。云五年陳直指文燧按滇。得邊報。銳意上請經理。然與時見相牴牾。事亦寢。六年遣使將迤西所俘瑞體兵象。侑以金幣諸物。還瑞體。使回緬。不稱謝。七年永

作此舉動
宜其爲外
蠻所輕

昌千戶辛鳳奉使買象於猛密。其酋思混執鳳并軍伴送擺古。瑞體方修佛事。遣使持檳榔菜緬文送鳳回。是年瑞體復率兵象侵迤西。報憂撒之。怨中國無援。思箇敗奔騰越。中途爲奴郎都等執送。瑞體不屈。遇害。瑞體遂盡據迤西。日民奔永昌。稍安置於內地。焉。八年巡撫饒仁侃遣舌人李阿烏諭緬甸。阿烏至擺古。見瑞體。道皇帝威德。不侵緬地。瑞體唯唯。又語以蔣定西王靖遠征麓川事。瑞體不語。阿烏又言罕岳假緬王擾漢地。瑞體佯應曰。我不知也。居旬日。趣

阿烏還。十年岳鳳領緬兵襲破干崖。土婦罕氏降於緬。莽瑞體死。子應裏嗣。岳鳳執遮放頭目刁落恩送應裏。又嗾應裏殺罕拔。拔有子名進忠。應裏欲併其地。遣弟應龍伐之。拔孽子罕鳳降。應裏與耿馬舍人罕虔謀擒進忠。其率兵從應龍。以灣甸州景宗真爲鄉導。追進忠。進忠倉皇挈妻子絕喳哩江。奔內地。兵象從者不十一。餘悉俘於緬。應龍躡進忠。遂入姚關。十一年正月朔。焚掠施甸。剖孕婦。以卜男寇永昌女。寇順寧。腹破得女。乃攻順寧。二月破猛淋寨。防守指

揮吳繼勛千戶初維垣皆死之。是冬應裏又攻蓋達。副使刁思廷求救不應。糧盡城破。妻子族屬盡爲所擄。千崖刁怕庚雷弄廖元伯南甸刁落憲蓋達刁思定皆陷於緬。巡撫劉世曾巡按董裕會疏請兵將以南京坐營中軍劉綎爲騰越遊擊。移武靖參將鄧子龍爲永昌參將。各提募兵五千赴援。副以土兵。應裏亦西會緬甸孟養猛密蠻莫隴川兵於猛卯。東會車里八百孟艮木邦兵於猛炎。復併衆入犯姚關。子龍爲壘靜待。大破之於攀枝花地。斬宗真計擒罕度父。

子等。劉綎率兵出隴川。猛密直抵阿瓦。阿瓦頭目莽灼。瑞體族弟也。糾猛密思忠蠻莫思順詣綎請降。應裏聞之。起兵破灼。灼內奔。行至曩朴寨病死。先是灼有白象一。能決勝敗不爽。每出兵咸問之。瑞體常借以自隨。至應裏假象不歸。且欲害灼。灼心寒。因綎招之故降。及灼死。應裏以子乃篤改名思斗。莽肘者守阿瓦。初綎破隴川。以岳鳳有心計。厚結之。以招諸彝。許不死。故猛哈思化迤西思威木邦罕鳳等俱殺緬使詣綎降。進忠亦集其餘衆來奔。諸彝畏綎。望風內。

失算至此
可歎可恨

附者踵至。當事不知。日促緹擒岳鳳。緹不得已。執鳳及其子曩烏等。俘解京師。猛密思忠懼。復率錫波思奇。刳投應裏諸彝。多復叛。當事惟以得鳳與罕虔爲功。不復問緬也。迺西思威既內附。其屬部有密堵送速二城。久爲緬據。威提兵復取之。十四年。應裏徵二城兵不應。怒攻破之。以多曩長散鐸率兵屯守。十五年。思威糾思化思順各土兵。又求助以復二城。遊擊劉天俸令募兵五百往助之。緬見以爲漢兵。大至。驚潰。威乘勝殺緬千餘人。并二城之從緬者。陣斬緬目多。

功亦不小

曩長遂復二城。金騰兵備李材上其事。下蘇直指鄒覆覈。時在陣多土兵。不知取級。旣而復往。則已腐濫。遂以冒功。復奏逮材。天俸俱下獄。論者寃之。十六年。十月。思順亦投緬。朝命以思忠等歸義。陞忠猛密宣撫。思化猛哈同知。思順蠻莫安撫。如邊城所議也。比符信至。而思忠思順等已復投緬。乃以忠母罕烘。順母罕送。各代子領該司印。九月。應裏攻猛密。罕烘不能拒。率其孫思禮從子思仁奔猛廣。而猛密失。猛哈思化復進。奔蠻莫據之。罕送率其子思華奔騰越。時

有問罪思化之議。巡撫蕭彥密令撫彝同知漆文昌撫化。文昌單騎入化壘。化稽顙聽命。且云奴有助迤西殺緬賊功。今無所歸。願寄食於蠻莫從之。十七年迤西思威死。其支子思明子思遠進象及方物。朝廷令遠爲孟養酋長。十八年應裏報密堵送速之怨。進兵孟養。遂破孟拱。遠與子思昏奔盞西。應裏僞署堵罕於孟養。獲罕于猛拱。十一月緬破猛廣。罕烘思禮與思忠妻甘線姑奔隴川。思仁奔雅益。猛廣亦失。十九年應裏率猛別阿瓦糾堵罕。獲罕兵象圍蠻莫。思

化告急。時鄧子龍方聽勘。奉檄率兵至卜羅思莊。緬退去。化復還蠻莫。六月應裏遣使等母海弄查賚貝葉。緬文來求通。鎮巡給榜文送緬使歸。二十年思仁叛投緬。仁烝嫂甘線姑。因欲得之。時線姑隨罕烘思禮寓隴川。仁自雅益率兵象犯隴川。欲擄線姑。隴川宣撫多思順有備。弗克逞。懼中國問罪。乃同丙淵奔緬。應裏僞立仁於猛密。當事者移置罕烘思禮於忒市。六月應裏遣使擺線。由迤里賚貝葉緬鐸。招隴川干崖南甸諸土司。當道給緬使文告。令之還。九月應

裏令阿瓦迤西犯蠻莫思化等奔等練山。叅將鄧子龍提兵營等練。緬兵屯遮遨。子龍發兵擊之。大戰於控哈。斬首百餘級。把總李朝岳順戰死。緬退屯沙洲。我兵無船不能進。相持彌月。緬尋退去。二十一年應裏以允墨守蠻莫。墨乃糾猛拱堵罕。孟養瓊罕。猛密思仁。兵號三十萬。象百隻。以普坎雍罕直郎三鷲酋率衆擁送允墨據蠻莫。思化敗走。墨等立九大營。深溝高壘。爲久駐計。仍分道內犯。一入遮放。一入臘撒蠻額。一入杉木籠。並出隴川。多思順不敵。奔猛

卯二十二年春。巡撫陳用賓出駐永昌。聞賊大入。等練隴川。乃分部以叅將王一麟奪等練。中軍盧承爵出雷哈。都指揮錢中選。張先聲出蠻哈。守備張先蔭出打線。一麟擊其前。承爵中選擊其左右。賊狡甚。始以羸兵數人飲馬江干。而浴之前。鋒者擊而俘焉。以捷聞。居數日。又以一象馬數匹來。官兵又擊而俘之。又以捷聞。緬兵退走。遂復蠻莫。官兵以賊爲易。與鼓行而前。不知賊兵潛伏。營於崖箐。乘官兵過半。賊衆湧出。官兵被截。時寧州目把者義領兵在前。失道陷

用兵如此
邊事可知

泥中爲賊所殺。後二營相繼退奔。監軍同知姚允升收殘軍。用百金買謀者。晝伏夜行。望等練諸山。火光不息。知賊已焚巢退去。因稱勝而還。是役也。緬取道隴川。猛卯多俺實導之。多思順怨俺。乃糾思化并茫市多泰等擊俺。殺俺子多荒。十二月俺糾思仁丙測由猛卯襲遮放。官兵戰却之。斬級百餘。巡撫陳用賓以緬數入犯。築八關於騰衝之邊。曰萬仞。曰神護。曰巨石。曰銅壁。曰鐵壁。曰虎踞。曰天馬。曰漢龍。每四關設一守備戍之。又募習彝路者。得閩人黃龔。使暹羅。

使與得楞內外夾擊緬。多俺自遮放敗還。不復歸猛卯。投木邦。負隅於曩義山。殺天馬漢龍二關工役。督工漆文昌。計授木邦罕欽。令擒之。謀頗露。俺欲奔擺古。欽追及於雷聳。并其子多烘多曩斬之。緬因俺死。頗寢寇。我東路云。二十四年二月。築平麓城於猛卯。大興屯田。是時邊事旁午。餉費不貲。轉輸米石。運價至十金。而不值不與焉。諸郡邑不支。故陳用賓銳意興屯。三宣之內。屬彝徭賦所出。餘田無多。惟猛卯古麓川地。阡陌膏腴。多俺旣死。無主。乃議以營兵任屯。非

樂關屯田
自是防邊
實策

營兵而願屯者聽。二年小成。免其賦。三年大成。始十
一而賦之。十月緬督思仁丙測等寇蠻莫思化求救。
叅將吳顯忠遣兵擊走之。斬丙測。二十六年正月。車
里老搃刀舊猛怕猛等慕義入貢。六月耿馬罕們灣
甸景從真鎮康刀悶摺蓋達刀思權等亦修貢事。十
二月孟養思轟棄緬來歸。進象隻方物。二十七年緬
擊思轟檄各土司赴救。緬潰歸。二十九年蠻莫思化
子思正乘多思順之喪襲隴川。擄其妻罕氏。明年阿
瓦雍罕攻思正。木邦罕拔子罕蓋率兵從之。正奔騰
越。當事者殺正以止兵。三十一年雍罕罕蓋俱遣使
款貢。自此邊境少康。而緬酋莽應裏連年爲暹羅得
楞所攻。長子莽機搃見殺。擺古殘破。亦不復內犯矣。

永樂元年
始置按察
司

武尋諸府改設流官始末

明定雲南置藩臬郡縣吏賦役學校一與中土等復
慮彝情反側有司遷轉不常莫能得其要領仍以土
官世守之正統而後見于志乘者土知府則景東陶
氏蒙化左氏麗江木氏順寧猛氏永寧阿氏廣西昂
氏滇沅刁氏元江那氏尋甸安氏武定阿氏土同知
則姚安高氏廣南儂氏土知州則安寧董氏鄧川阿
氏雲龍段氏北勝高氏寧州祿氏霑益安氏路南秦
氏羅雄海氏寶山蘭州俱羅氏富州沈氏土知縣則

此篇專紀
內地土官
變故當與
上篇參看

王恕革尋
甸廣西土
官

嶒峨祿氏。雲南楊氏。元謀吾氏。以及長官司。暨佐貳
首領雜職各官。實繁有徒焉。皆治以漢法。與徼外諸
司止。遙相羈縻者。有間矣。然積久而驕。或撫循失道。
致釀變亂。如尋甸武定順寧諸酋。其革除始末。有可
攷者。成化十四年。尋甸安晟死。兄弟爭襲。廣西昂貴
虐其民。巡撫王恕。與黔國公沐琮奏罷之。改設流官
知府。弘治十七年。增設寧州流官知州。正德初。武定
阿英襲知府。改姓鳳氏。交通劉瑾。以賄陞右叅政。仍
理府事。擁衆入省。欲干布政司堂上任。不許。乃就司

唐龍劾鳳
朝明

要銓鳳朝
文作亂

儀門上任而去。自是潛畜異謀。日益橫暴。尋死。子朝
明應襲。火頭吾孟才列其惡狀。以告署元謀縣典史
談章。章以告巡按御史唐龍。龍奏請依照鶴慶等府
例。改設流官。朝明聞之。載金寶二十萬賂寵臣錢寧。
寧囑巡撫欲仍令朝明襲職。龍持不可。設流事竟中
止。嘉靖六年。尋甸知府馬性魯。因徵糧繫馬頭安銓
妻于獄。裸撻之。銓遂叛。掠嵩明等處。進攻尋甸。分守
叅政黃昭道。兵備副使周奎督兵與戰。敗績。遂陷尋
甸。執知府雲南鎮巡調各土司兵赴討。令武定酋鳳

朝文以兵千餘守厥江。朝文朝明弟也。素與銓通。銓妻又鳳氏。明年春朝文自厥口擁兵叛。還攻武定。陷之。殺同知袁俸。知州秦縑等官十三人。遂與銓連兵二萬于會城西北門外。焚軍民房屋。雲南大震。事聞。命兵部尚書伍文定自京師出征。未至。按察使徐瓚議調各土司兵與衛軍協力勦撫。朝文等戰不勝。欲奔東川。霑益州營長輔祐追獲斬之。安銓亦爲兵夫阿志所獲。五月文定至雲南。奉旨處置未盡事宜。數月乃還。三十年元江那鑑殺侄奪印聚掠郡邑。巡撫

那鑑殺徐
樾

石簡督兵往討。鑑詐降請官撫諭。簡命左布政使徐樾往爲所殺。巡按趙炳然以狀聞。奪石簡官。切責黔國公沐朝弼。令戴罪殺賊。贈徐樾光祿寺卿。賜祭葬。三十二年巡撫鮑象賢奉旨討元江。那鑑自殺。遂革其官。收印信。令臨安指揮往署之。三十六年。易門縣彝李向陽與土縣丞王一心等作亂。稱混天大王。以普文爲軍師。構黨七千人。分布四掠。一心復與武定阿倫通。阿倫者鳳朝文養子也。朝文旣誅。其妾瞿氏撫幼子守土盡職。後子死。子妻索林復署府事。而瞿

呂光洵平
易門武定
之亂

氏有外行。忌其婦阿倫潛謀奪嫡。挾貲赴京。納級。指
揮使名鳳繼祖。揚稱已襲武定知府。輿馬冠帶以歸。
土人附之。遂逐索林。巡撫敖宗慶奏請討之。阿倫潛
奔四川會里州。招集亡命。誘索林與講好。殺其總管
鄭竑等七十人。出富民羅次界抄掠。又分遣東川營
長阿科等兵。攻曲靖尋甸諸府。時敖宗慶已罷。新撫
呂光洵以工部左侍郎奉命至。四十四年。先討易門
賊李向陽。誅之。復調各土司兵。分路勦武定。移檄黔
蜀巡撫。舉兵接應。遂破諸蠻。阿倫北遁。兵備僉事張

澤追之。被執。逼令致書鎮巡。乞招撫。澤不從。潛使人
達光洵。速進勦。竟被殺。贈光祿寺少卿。九月。光洵自
率師追阿倫。至會里州。斬之。併誅王一心等。隆慶元
年。光洵請改設武定流官知府。置守禦所。立學校。從
之。二年。武定鳳曆復作亂。伏誅。三年。增設鄧川流官
知州。萬曆元年。鐵索箐力步彝叛。巡撫鄒應龍同黔
國公沐昌祚討之。七十二村悉平。二年。二月。移兵東
征。臨安王弄山。猓僕等彝。八月。征喬甸等彝。皆平之。
立營戍守。東迤六郡乃安。十三年。羅雄州土酋者繼

鄒應龍平
鐵索箐王
弄喬甸諸
彝

著繼榮弑父

滇叛。巡撫劉世曾討誅之。初，土知州者濬，悅營長之婦，殺其夫而奪之。踰年生繼榮，有異質，兩耳垂肩，左手過膝。十四歲，即欲殺其父。濬不忍置法，假為延師，幽之別室。仇益深。隆慶時，濬年老無嗣，乃釋之。遂借婦家勢力，據州逐父。父訴之，當事不得已，迎歸。陽為尊禮，亦幽囚之。辛巳，調征緬。繼榮懼，父作難，授意目，把弑其父。及歸，官鞫其事。繼榮據險不出，但云身在外，父死不知而已。弑父後，并囚其母。烝父妾，虐部彝，多淫民間女，侵占隣土，不輸站馬，拘繫官役，益無

忌憚。從征時，與霑益土婦安素儀合兵，遂與姦。密誘之，招壻往來。蓋兩州兵力擅滇東，可依賴為逆也。越州土舍海現圖寡嫂資氏，有姿色。繼榮每出，先頓兵其家，縱淫樂數夕方去。知州越應奎憤甚，白兵備謀于資氏床幃間，擒繼榮。謀泄脫走，乃招集亡命，煉習妖法，修築東龍石城，令部兵四出，攻劫師宗維摩等州。撫鎮遣將分兵四路擊破之，斬獲四千餘。酋繼榮潛遁，外父隆有義家，有義慮禍及已，密約官兵追捕，斬之。其妻大小隆氏及七姓家奴，復于十四年九月

倡亂據州治。執知州驛丞大肆猖獗。巡撫檄越州守備張先聲掩誅之。始改州爲羅平。調曲靖中左所爲定雄所。附州守禦。十九年丁苴白改彝普應春等叛。巡撫吳定檄叅將鄧子龍討平之。其地居臨安新化南安間。素爲盜藪。因請設新安縣。并改新化州隸臨安。二十五年順寧猛廷瑞與兄思賢相攻殺。大侯州奉學廷瑞妻父也。與兵助之。巡撫陳用賓疏請征勦。遣叅將吳顯忠將兵至順寧。廷瑞困急乞降。巡道李先著令擒奉學自贖。廷瑞乘間遁入觀音山。勢復振。

顯忠再集兵攻之。誅奉學。執廷瑞送軍門。因改設順寧流官知府。改大侯州爲雲州。設流官知州。併坐李先著以受賄縱賊下獄死。人多冤之。二十八年矣。堵十三寨莽亢等復叛。再討平之。順大始定。三十五年武定酋阿克有馬頭四十八人。鄭舉獨稱豪有力。且富于財。知府陳典以廉訪收禁之。舉以兼金置魚腹中。饋典。獲免。已而復收之。如是者再四。舉惡其無厭。乃與酋阿克等攻破府城。殺指揮金守仁。千戶王應爵等。男婦四百五十餘人。時陳典以入賀在會城。舉

如此者多矣

等擁推官白明通。以兵隨其後。直抵會城。進公移。請以冠帶印信給阿克。賊從北門外。逸西南而東。分道四掠。沿村鎮市焚劫一空。老穉不及避者殺之。壯者鹵而歸。圍城三日不去。以印繼與之。始拔營歸。攻元謀和曲諸城。未一月。陷一府三州四縣。賊兵所加。勢如破竹。時尋甸彝目大理保楊禮。亦屢被官司責辱。遂結連彝目招補阿白者色。及彝婦海冲等。叛攻破嵩明。署印知事李性先棄印逃。吏日常宗孝學正龍旌死之。賊進逼楊林。都司汪如淵率土兵赴救。賊退。

歸。攻尋甸。殺指揮諸藩裕等。巡按御史周懋相。候代駐曲靖。調霑益安紹慶土兵。檄同知孫台監督。自嵩明追賊尋甸。屢戰俱捷。三十六年春。三司官亦分道追賊。而鄭舉等已西攻祿豐破之。知縣蘇夢暘力戰死。六月。諸路兵至。擊賊斬其家屬十一人。阿克鄭舉等逃東川。官兵追至東川境上。土司祿哲縛阿克鄭舉獻軍前。左布政彭應時復擒其黨鄭文鄭宗舜。叅政楊俊臣率廣南儂兵亦擊敗海冲等。得嵩明州各印信。副使羅希益同都司江如淵督安紹慶兵斬楊

禮男楊成。俘妻妾四口。遊擊段辰擒楊禮妾及子三人。兩路賊俱平。惟武定府印竟失所在。既而治失事狀。巡撫都御史陳用賓。黔國公沐獻。參將張名世。武定知府陳典。推官白明通。元謀知縣毛文彩。俱逮訊。自正德至萬曆。內弊之變數起。而武定居其三。雖蠻酋橫暴。亦由我有以致之。內而劉瑾錢寧。受賄相庇。外而馬性魯陳典輩。以貪暴激成之。至猛廷瑞之事。世尤稱其冤。嘗見夢于黔撫。被甲如神人。曰吾為陳巡撫冤死。訴帝得請。歸過此。欲見中丞云。逾月而用

世之好以
武功顯者
讀此可發
深省

賓被逮。用賓撫滇十七年。經理緬事頗為盡力。但喜功。多殺吳顯忠。迎合其意。陷李先著于獄。雖以功得晉爵。卒之身填。圖圖為天下笑。亦何益哉。四十二年。巡按毛堪奏辨李先著冤。不報。是年雲龍州段進忠。以殺土官段嘉龍罪。被誅。巡撫周嘉謨請改設流官知州。裁革五井提舉。以鹽課併歸之。他如安寧路南元謀。以及麗屬寶蘭二土州。俱未詳所由革。元謀後有吾必奎者。以武功著天啓中。作亂被誅。其事另載于後云。

耳聞目擊
宜不禁痛
切而言之

珍貢

雲南古不毛地也。且舟車不通。商賈罕至。人有百金之業。便爲素封。貧者至不保朝暮。卽其土所產。或反不如他處易求者。而世多膠于金鏤。作貢之說。動以滇爲金穴。寶山不肖有司。因而張威勢。以索之。彝性輕生。每極于勢。無復之輒起。爲亂。後人不知其故。謂滇難治。嗟乎。豈滇真難治也。漢鄭純。毫毛不染。而哀牢化。隋梁毗。對餽金。慟哭。而諸彝感悟。遂不相攻。元述律杰。不爲金婦所餌。而車里歎服。彼皆非三代以

五金

上之人猶能以廉勵俗若此奈何末世上作而下効之明三百年叛者十數起推其由來多因黷貨予故於內外彝蠢動之後復載珍貢一篇夫亦曰知所以亂之由則知所以治之之道矣語云金生麗水今麗江其地也江澣沙泥金麩雜之貧民淘而煨焉日僅分文售蜀估轉諸四方永平山中亦有金沙色赤而利更微明初歲貢金二千兩官償價銀一萬一千四百有奇皆蜀賈有力者先期受值走四遠哀入之然金少價高率賠其三之一間有窮極而逃者因舉殷

寶井

實土著以當金戶寶石琥珀等珍皆責其供辦產盡則更舉一家萬曆十八年又增金三千歲共貢五千兩公私益困末年始減二千天啓水烏之亂奉旨暫停事平再進銀鑛約有二十三所皆置場委官以徵其課又銅鑛十九所鉛鑛四所萬曆二十年命內監楊榮至滇督理礦稅榮又使千戶張國臣赴京上疏請開寶井于猛密先是寶石之取盛于成化然止在京購買嘉靖丁亥始遣官至滇歲動布政司及永昌府銀八千散之民間民間鬻男販婦不克所值因而

海子
卷一
逝亡。其後六慰變亂。猛密寶井。已爲緬所據。國臣又
倡此議。巡撫陳用賓懼開邊禍。連疏陳諫。始仍舊例。
然猶每歲布政司獻寶石三百六十兩有奇。礦金四
百兩。礦銀一萬兩。稅監楊榮。竟以貪酷激變。于三十
四年正月八日。爲衛軍所殺。舉火焚公署。闔府百餘
人俱死焉。琥珀出孟養山中。價不甚昂。而蠻漢阻絕。
商賈難通。萬曆二十二年。奉旨責輸二百餘觔。遍派
滇西諸郡。雖不通緬者。亦行責買。時惟騰衝庫內舊
貯二十餘觔。悉送上供。他郡無以應。命搜括士民。有

琥珀

點蒼石

卽舉首。多以破家。亦竟不能完數也。點蒼屏石產大
理府。雖不在外彝。然採艱運遠。亦以累民。嘉靖十八
九年。曾奉取用。二年之外。始得至京。至三十七年。取
方三尺五寸者六塊。自本年六月至十一月止。行三
百里。運至普淞。因重不能前進。四十年。又行取五十
塊。高六七尺不等。巡撫蔣宗魯抗疏諫止。然當時取
辦。尤不論何項石紋。至萬曆二十一年。爲兩宮鋪地。
詔取鳳凰石百餘。求之益艱。供役者十死八九。惟高
不過三四尺。人猶以爲蔣公之力焉。右志乘所載。皆

可為長大
息者此也

止行之自土者耳。其他長吏之饋遺權要之悉索。不可勝計。民窮思亂。亦孰能禁之哉。

議開金沙江

金沙江源出吐蕃界。至共龍川犛牛石下。南流漸廣。故名犛水。後因訛為麗水云。東經巨津寶山二州。三面臨麗江府。又東經鶴慶。受樣共江諸水。又東經北勝。受桑園龍潭程海諸水。又東經姚安。受蜻蛉弄棟龍蛟諸水。又東經楚雄定遠。受龍川江諸水。又東經武定北。受元謀西溪。滇池螳螂川。羅次富民諸水。又東經東川濟慮部。過烏龍山。受尋甸牛欄江。谷壁川。齒化溪諸水。又東經烏蒙南。又東經馬湖府。受尼溪。

滇中風土
最佳惟不
通水道為
苦。金江可
開功當不
在焉。不然
朱易言也

大汶小汶諸水。又東至敘州府。合大江。此南中西北之險。蒙氏僭稱北瀆者也。正統間。靖遠伯王驥曾議開濬。未果。至嘉靖初。巡撫都御史黃衷復議。開工役。垂具。爲武定土酋鳳朝文所梗。會衷卽陞任。事遂寢。其後。巡撫汪文盛亦委官踏勘。而朝文妻瞿氏爲女土官。又從而阻撓之。巡按毛鳳韶知其事。分巡洱海時。復上議云。雲南有水路。直抵四川馬湖府。初以遐僻。爲土人所據。我國家郡縣其地。同于華夏。然貢獻之物。損官使之行李。軍民商賈之往來。擔負千里。筋

力已疲。而土官土舍。因見道路阻絕。每懷異志。及今國勢強勝。不行開通。將來之悔。不敢謂無也。本道訪據武定府揭稱。本府有迤東水路。自雲南海口。至安寧羅次富民。只舊你革。達吉普渡河。安革法于土色。出東川大江邊。至阿納木姑。共一十三站。內土色有壘水。又迤西水路。自雲南陸路。至富民武定。虛仁環洲。凡五站。至金沙江。巡檢司下船。至罵刺母白馬口。架刺則五。曲革直勒。則卓刺除魯。圭寧抄答甸。沙吉撒麻村。亦至土色大江。阿納木姑。凡一十四站。內卓

吾鄉王太
初先生廣
志譯極言
金沙江之
不可開先
生分守金

滄身歷其
地所言不
為無據

刺沙吉有疊水。又據金沙江土巡檢稟。弘治正德間
馬湖府安監生放杉木。嘉靖十七年王萬安亦放杉
木。俱五板大船經過。中惟虎跳天生橋。亦十分不為
險阻。又據姜驛驛丞稟。每見販木客人。結成陣筏。自
本司江流六日。即抵馬湖等情。各到道。為照前項水
道。武定迤東極為捷徑。但訪得河內間有蠻尖石。兩
邊崖石。生合成橋。水從石縫流下。未委虛的。若迤西
金沙江。則水面洪濶。四時橫流。客商通販。前後不絕。
中間雖有虎跳二灘。然皆沙石易鑿。此斷然可通。而

無疑者也。合無先將東西二道。各委能幹官。帶領匠
役鄉導。沿河踏勘。直至馬湖中間。要見舟楫無礙者
幾處。危石可鑿者幾處。幾丈幾尺。如有絕險。人力難
施者。或作兩截盤運。沿河陸路可通者幾處。不通而
應合開闢者幾處。幾里幾十步。及沿江有無人烟。稀
密。堪立驛遞哨堡等項。各計合用功力。人匠若干。錢
糧若干。勘估明白。畫圖造冊回報。然後擬議奏請開
通。不獨一時一方之利。實國家久安長治之計云。適
值地方多事。議竟不行。隆慶初。鳳酋誅滅。巡撫陳大

賓復爲題請而議者多甲乙之詞。大抵謂金沙之道
一通。則商賈競于舟而憚于陸。筭縉之利。告竭於程
番之八府。而九驛之途。鞠爲茂草矣。至天啓中。安酋
倡亂。貴陽道阻。頗議開通。按察使莊祖誥謂自巡檢
司開由白馬口。歷普隆紅巖石刺鮮。至廣翅塘。皆祿
勸州地。其下有三灘。水溢沒石。乃可放舟。涸則躋岸
纜空舟以行。又歷直勒村。罵刺土色。皆會禮州地。其
下有鷄心石。石如堆者三。壘江中。舟者相水勢緩急
可行。又歷踏照亂得頭峽刺鮮。至粉壁灘。甚駛。皆東

川地。又歷驛馬河新灘。至虎跳灘。陰溝洞。皆巧家地。
虎跳湍瀉陡石。不可容舟。陰溝二山。頽集水行山腹
中。皆從陸過灘。易舟而下。又歷大小流灘。爲蠻彝司
地。又歷黃郎木鋪。貴溪寨業灘。至南江口。爲烏蒙府
地。始安流。自廣翅塘至南江。木商行之可十日。又至
文溪鐵索江邊數灘。歷麻柳灣。教化巖。爲馬湖府地。
又歷洩灘蓮花三灘。會溪石角灘。至敘州府。其說甚
明晰。然此時明運將終。救敗不暇。竟莫能開通也。續
禹功所未至。以疏西南朝宗之水道。是所望于全盛

滇
之世矣

滇南科目

滇自南詔竊據。風化阻絕。大理國頗設科取士。皆以僧道讀儒書者充之。至元皇慶中。以學士李孟奏開科。三年一試。天下共取三百人。雲南每榜止五人。蒙古二名。塞目二名。漢人一名。如王楫李敬仁段天祥李天祐李郁等。史載其名云。明洪武三年開科。天下共取五百人。是時雲南未入版圖。六年停科。十七年更頒定程式。始增建雲南學校。二十二年始選貢送監。就應天府鄉試。以人才尚未充也。至永樂九年詔

觀于人文
以化成天
下科目正
弊亂之大
端也

滇攷 卷一
雲南布政司取士。是歲八月舉生儒洪誠等二十八人。誠與楊春皆舉進士。九月復試貢生。取趙誠等二十一人。此有明科目之始也。是後三歲一舉。或五十餘人。或三十餘人。多寡不等。洪熙元年定額十名。宣德四年貴州附試。取十一人。明年增額四名。雲南十名。貴州五名。正統八年共增五名。十二年又增五名。皆滇三黔二。景泰立。詔雲貴科舉不拘額數。元年取至三十六人。四年至五十五人。七年又定額三十名。成化三年增至四十名。十年又贈五名。弘治中貴州

士子以赴試雲南道險遠不便。屢言于太宗伯張昇。求于貴州開科。昇不允。止奉詔雲南鄉試錄。改稱雲貴鄉試錄而已。八年黔撫臣復以爲言。亦不允。再增科額五名。正德五年又增五名。則滇四而黔一也。嘉靖十四年始詔貴州布政司開科。歲取士二十五人。雲南四十人。萬曆中漸增至四十七人。天啓元年巡撫沈傲炆。又請增三名。以足五十之數。中間人才疊出。如雲南府則有若副都御史李公純。贈光祿少卿毛公玉。兵部左侍郎孫清愍公繼魯。吏部尚書嚴恭

肅公清。鴻臚卿劉公文徵。兵部尚書傅忠壯公宗龍。總督侍郎贈尚書楊公繩武。御史趙公譔。或以功名顯。或以直節著。而安寧楊文襄公一清。相業軍功。尤爲有明第一。其在處郡。若大理之楊憲。副南金。楊內翰仕雲。李太守元陽。趙考功汝濂。李御史東。臨安之張御史西銘。包尚書見捷。永昌之張侍郎志淳。與其子舉人含。憲副合。曲靖之張憲副璉。潞江之楊郡丞以成。蒙化之雷侍御應龍。鶴慶之趙長史德宏。彭都御史富諸公。皆以經濟文章節義有名于時。其他起

高第登仕籍。祀鄉賢者。尤不可更僕數。永昌王弘祚以明鄉薦入

本朝。歷官戶兵刑三部尚書。是時雲南爲孫李竊據。甲午丁酉咸有所舉。己亥歸版圖。辛丑補行鄉試。歲以爲常。趙士麟等七人前後成進士。夫滇與閩粵皆開自漢武帝。其時盛覽張叔。已從司馬長卿學賦受經。後此若尹珍許叔之文學。隗叔通之孝行。皆著名于益州者。舊水經註諸書。迨蒙段盜竊阻聲教者五百餘年。故其人文不獲與東南競勝。元始混一。有明科

補出往事
爲一方生

目斑斑可見者若此。嘗觀周漢以前江南之人。或曰蠻荆。或曰山越。至于今科名之盛。幾幾駕堯。豫而上之。亦安知後之滇黔。不猶今之吳楚哉。是在世之司文教者。

水鳥之變

貴州水西宣慰司。與四川烏撒土府皆安。姓萬曆中播州楊應龍反。水西安疆臣奉調赴討。奪落濠關。有功被賞。播州平。改設遵義府。至天啓元年永寧宣撫使奢崇明。與子奢寅復作亂。陷遵義。冬十月遂圍成都。左布政使朱燮元城守敗之。二年春圍解。擢燮元為巡撫。遵義復而再陷。先是安疆臣死。弟堯臣襲。至是堯臣亦死。妻奢社輝。永寧女也。生子安位幼。土目安邦彥挾之反。四十八馬頭皆應之。兩省羽書交。至

蜀事

黔事

徵兵于雲南。巡撫沈儆劾。調闔省土兵于曲靖。以副使黃似華監紀。分道赴援。都司楊明廷將三千人援蜀。烏撒土酋安効良先與邦彥通。陷烏撒衛。殺指揮管良相。明廷兵至畢節。効良伏兵阻截。明廷戰敗死。參將尹啓易等奔回霑益。水西賊圍普定。安南兩衛都司李天常率兵四千救之。賊將羅應奎偽降。誘至疊水舖。伏發全軍沒。報至雲南大震。霑益土婦設科。及土目補鮓奈科李賢期曲等俱叛。霑益倘塘松林。炎方交水白水。六站堡俱不守。併陷平彝衛。殺官

吏武定彝目張世臣。糾小東川彝賊千餘。攻陷他頗。補知二堡。沈儆劾以便宜起參將李思忠督兵守武定。添設武尋遊擊。倘甸守備。其霑平喬甸守備俱改遊擊。張世臣攻武定。思忠與戰大敗之。世臣遁。東川土酋祿千鍾復反。與霑撒土賊合。攻嵩明。知州王育德率軍民固守。儆劾便宜起參將袁善督守備金爲貴。土司沙源等馳救擊走之。沙源者安南土長官司也。先是萬曆三十八年。源以玉弄土人斬賊有功。襲本司阿氏副長官舊職。四十八年建水州土酋刀春

其構引交趾入犯。攻破五邦等地。源率衆堵截勝之。斬交趾僞封勝智侯阮文美等三人。因復畀以安南司地。令阻截交趾。至是與寧州祿永命。阿迷普明聲。石屏龍在田。武定吾必奎等。俱以巡撫檄調率土兵。從征。力戰皆有功。而源爲最。未幾交岡犯竟左哨。源歸救復破走之。以功陞宣撫使。霑益土婦設科等入陸涼州境。焚劫各鄉。知州郭俊義戰敗被殺。參將尹啓易守備李加培周嘉映。自交水督兵進霑益。安効良率水烏賊。至霑拒戰。官兵陷沒。加培嘉映俱戰死。

黔事

七月亦佐營長安應龍引賊補鮓等。陷亦佐縣。八月攻越州衛。九月圍羅平州。水西賊宋萬化據龍里。安邦彥自統羣苗圍貴陽。自春至冬。援兵俱阻龍里。不得進。總兵楊愈懋。推官郭象乾。戰江門白杵營死之。巡撫李標。巡按史永安等。協力守禦。十一月新撫王三善至平越。集諸路兵分道前進。十二月抵新添。力戰破賊。五日入龍里。安邦彥退屯龍洞。官兵乘勝奮擊。大敗之。是時黔省被圍幾十月。城旦夕破。王三善親冒矢石。以二萬人破賊十萬。抵城下。官民歡呼相

慶啓門迎入城。三善曰：賊兵不遠，軍心未定，吾不可
卽安。遂營于南門外。未幾，湖南、廣西、四川兵大集。殘
破之後，糧糗不支。遂議深入，分屯陸廣、鴨池間。三年
正月，安邦彥攻陸廣。官軍失利，退屯威清。王三善收
兵入城。夏四月，安邦彥復糾宋萬化等來攻。三善遣
兵邀擊于龍里、定番、青巖等處，屢捷。擒宋萬化。諸蠻
多降。邦彥退守陸廣、鴨池諸要道。當時川撫朱燮元
亦屢敗奢崇明兵。遵義、永寧俱收復。五月，川兵發永
寧，連克紅崖、天台二寨，遂破蘭州，焚其巢穴。奢崇明

總收黔蜀
復序滇事

父子計窮，因入水西投邦彥。自黔蜀之亂，雲南道阻
已二年。烏程閔洪學由福建左布政擢滇撫，取道廣
南入滇，分遣漢土官兵攻羅平，復之。捕獲安應龍妻
子，應龍走霑益。官兵東出援黔，解安南衛之圍，斬首
三百餘級。收復新興、普安等城。亦資孔等站。又遣吾
必奎收復炎方、松林、霑益、倘塘四站。東北兩路俱通。
賊首設科、李賢、張世臣等已誅。檄烏撒、安效、良擒、獻
安、應龍以自贖。效、良持兩端，見水西勢衰，陽爲恭順。
遂以應龍首及烏撒衛各印來獻。勞其使而歸之。四

滇文
卷六
三

奢已投安
此後不分
黔蜀總序
水西事而
烏撒附見
其間

年正月黔撫王三善爲逆黨陳其愚所詐被害于大方道中。先是三善屢破賊，深入水西。奢社輝安位焚舊巢，竄火灼堡。安邦彥逃入織金，川兵亦進龍場擒奢。崇明妻安氏等安位母子，遣漢把劉光祚赴鎮遠。總督楊述中乞降，述中許之，令擒奢、崇明及其子奢寅以贖罪。王三善駐大方久，安邦彥遣其黨陳其愚詐降。三善信之，多與謀軍事。其愚悉以報邦彥，至是三善由大方回貴州。其愚隨之，忽報山後有賊。三善駐馬回視，其愚故縱轡衝三善墜地。三善知其變，呼

接前勞其
使而歸之
之句

持印者先行，卽拔刀自刎。諸苗蜂擁至，取其首而去。副將秦民屏亦被殺。事聞，楊述中回籍聽勘。以川撫朱燦元代之。陳其愚後爲巡按傅宗龍所誅。宗龍昆明人，與燦元俱以戰功顯。秋七月，總兵魯欽、劉超等敗于織金，賊勢復熾。烏撒安効良前遣獻印使，回至曲靖爲盜所殺。効良遂以爲辭，糾合邦彥、崇明等共爲三十九營。以五年二月直抵霑益。副總兵袁善、土宣撫使沙源等力戰五日夜却之。五月復至南攻馬龍。袁善等督兵大戰，復敗之。賊由尋甸遁回，假道東

海 卷 一
川東川奉巡撫檄以木塞路不與通。有阿遣馬頭竜
戈資者爲之鄉導。從山路遁歸烏撒。事平重犒東川。
購獲竜戈資誅之。六年春水西苗老虎阿引等殺奢
寅來降。二月安邦彥復寇貴州。魯欽戰敗死。巡撫王
璉。巡按傅宗龍遣都司張雲鵬拒戰于趙官堡。敗賊。
總督朱燦元以父喪歸。加偏沅巡撫閔夢得爲楚蜀
粵滇黔五省總督。七年參將楊明輝奉命宣諭安位。
令獻首惡爲安邦彥所殺。崇禎元年復起朱燦元督
五省兵討賊。初燦元議討水西之策。宜使滇兵出霑

益。遏安効良應援。而別布天生橋尋甸等處。以絕其
走路。蜀兵臨畢節。扼其交通四裔之道。而別出龍場
巖後。以奪其險。黔兵由普定渡思臘河。徑趨巢穴。而
陸廣鴨池分搗其虛。粵兵出泗城策應。大軍由遵義
鼓行而前。尋以憂去。未及用。閔夢得代之。亦以貴州
抵大方路險。賊惟恃畢節一道外通。用兵宜從永寧
始。自永寧而普市而摩泥而赤水。百五十里皆坦途。
赤水有城可守。結營于此。漸進漸逼。四十里爲白巖。
六十里爲層臺。又六十里爲畢節。畢節至大方不及

六十里。賊必併力來禦。以重兵扼其四走路。然後遵義貴陽。尅期並進。賊可盡矣。亦不果行。至燮元再任。乃檄滇兵下烏撒。蜀兵出永寧畢節。扼其各路要害。而親統大師。駐陸廣。逼大方。八月。奢崇明自稱大梁王。安邦彥自稱四裔大長老。其下反費阿鮮等各號元帥。悉力趨永寧。先犯赤水。燮元授意守將許成名。佯敗引之深入。度賊已抵永寧。分遣林兆鼎從三岔入。王國禎從陸廣入。劉養鯤從遵義入。邦彥分兵四應。力不支。羅乾象復以奇兵繞出其背。急擊之。崇明

邦彥皆被創。漢兵斬其首。獻燮元。騰檄安位。許其來歸。位惶恐不敢出。燮元督諸將屯據要隘。四面迭攻。日馳騁百餘里。或斬樵牧。或焚積聚。暮還歸屯。賊不能測。凡百餘日。得首功萬餘。生口數萬。每獲鄉導。輒發窖粟就食。賊饑甚。遂降。燮元與約四事。一貶爵。一削水外六目之地。一獻殺王巡撫者首。一開畢節等驛路。位皆俯首聽命。因疏請撫定焉。十年。安位死。子幼。乃分其地以授渠長。俾力分而易制。燮元前後在西南二十餘年。諸蠻畏服。三省亂而復治。至今人頌

滇功不衰云。

滇功

卷一

普吾沙亂滇

合序三土
司事段落
分明渾成
正氣

普明聲。阿迷州土人也。初為馬者哨哨頭。水鳥之亂。與沙源吾必奎等。俱奉調率兵破賊有功。既而京營御史傅宗龍受命按黔。間道由建昌。回滇募兵赴任。知明聲勇黠。所部土兵亦強。特請隨行。滇撫閔洪學入奏。嘗言自明聲東行。滇土司兵益弱。其為時所重。如此。明聲在黔。屢破水西賊眾。會宗龍以內艱歸。水西隨就撫。明聲亦回。得授阿迷土知州。日益驕蹇。崇禎五年。巡按趙洪範至臨安。明聲率兵逐之。戈甲旗

滇功

卷一

三

檄列數里。洪範惡之。貽書撫軍王伉。謂其養癰。伉亦習聞明聲不法。遂列奏。請檄調黔蜀兵會討焉。是年冬。三省漢土兵俱集。以黔鎮商士傑掌兵政。伉自出臨安督糧。右布政使周士昌監軍。擊明聲敗之。進圍阿迷。明聲使其下僞約降。陰使人以重賄誘吾。必奎曰。君不聞狐死。兔悲之言乎。阿迷平。兵行及元謀矣。既而官軍與賊戰。必奎賣陣先走。官軍大敗。事聞。大司馬熊明遇以起釁爲伉罪。遂與洪範俱被逮。士昌歿于陣。明聲雖戰勝。仍巧詞乞撫。當道懲前事。不復

致討。總督朱燦元自黔至。以兵威撫定焉。相傳廣西郡守張繼孟奉委撫明聲。思以計殺之。每稱明聲才武且有功。不以摧毀以致變亂。皆有司之過也。明聲聞之喜。一日繼孟將謁兵備道于臨安。先誠其下。必取途阿迷。見明聲。將至。故熟睡輿中。其下不得請醒。而問所次。已踰其境數里矣。佯怒責其從行者。且曰。我有事須急至。臨郡往返。恐後期。可沿途置騎俟我。我今回見普公。遂盡屏輿蓋先行。獨與從者馳數騎。趨阿迷。明聲先已有人偵繼孟。聞其言。益大喜。出迎。

事甚奇而
未必真

謁語甚歡。方持茶餉客。繼孟戲曰。嘗聞南中土司善藥人。我不敢飲。明聲驚。遽指天誓曰。方德公無以報。何有此。公果疑。明聲請先飲。竟易盞飲之。不知繼孟執茶時。已預藏毒藥。手中置茶內矣。明聲留治饌。辭以有事。謁兵備急。俟回。當痛飲。明聲已聞其途中言。信以爲實。因別去。繼孟卽疾馳。易數馬。卽夕達臨安。明聲藥發。始覺。命其黨率兵追之。不能及。予理永昌。永昌孝廉方一鑑。往時曾爲阿迷守親。爲予述其事。而石屏塗玉。輅昆明虞虞山。咸謂明聲實以淫縱得。

疾死。非中藥。云明聲死。其妻萬氏。江右寄籍人女也。狡而姪。據其衆。役使諸小彝。選部下壯而美者。更番入侍。沙源諸子。定海。定洲。如琦等。皆與之私。旣久。覺無以服人。乃招定海爲贅壻。已復嫌其樸陋。而定洲少年。白晢更竊殺定海。而贅定洲。其子普服遠。心耻之。與萬氏分寨而居。後服遠以病死。定洲遂兼有安南。阿迷之衆。併近彝地。愈廣。南至交岡。甲申。張獻忠陷蜀。雲南震恐。使叅將李大贊。率兵防金沙江。吾必奎者。其先爲元謀士。知縣久絕不嗣矣。至必奎以戰。

功得官。仍居故地。自阿迷賣陣後。桀驁日甚。大費貪墨。屢以事侵之。乙酉八月。必奎聚眾反。連陷武定。祿豐。楚雄。諸郡縣。黔國公沐天波。檄各土司兵會剿。十月。官軍與土官祿永命龍在田等。擊敗必奎擒之。永命。寧州土知州。在田。石屏州土人也。俱以水烏之亂。有戰功。在田歷級副將。崇禎十一年。奉調至襄陽。隸總理熊文燦軍前。擊流賊革里。眼射塌。天子雙溝。敗之。以是知名。張獻忠等受撫。穀城頗與之密。既而獻忠叛。文燦獲罪。在田亦罷歸。元謀之役。與永命俱在。

道敘龍在田援楚事為下迎流賊入滇張本

行。十一月。沙定洲兵亦至。時必奎已伏誅。定洲猶留城外不肯歸。會奸人饒希之余錫朋等。逋騙天波金寶無以償。以貿易往來各土司營中。誇天波家饒富。定洲心動。陰結都司阮韻嘉。張國用。袁士弘等為內應。以十二月朔入城。辭行。天波以家忌未出見。定洲入門大呼。其下蜂起。焚劫。天波由小竇出西城。時祿永命在省。方巷戰拒賊。從官周鼎止。天波留討賊。天波疑鼎見誘殺之。遂走楚雄。其母陳氏。妻焦氏亦走城北。普吉村之金井巷。當夜舉火自焚死。定洲因盡

得沐氏所有。盤踞省城。刼巡撫吳兆元爲題請代天
波鎮滇。又至祿豐。執家居大學士王錫袞置貢院。脅
之與兆元傳檄各郡縣。龍在田在安寧與祿永命等
各引所部歸。萬氏在阿迷聞變。驚曰吾家備爲此賊
敗矣。謀至省執定洲以投誠。旣至見定洲氣燄赫然。
資用饒洽。更喜過望。夫婦坐八人輿。持刺與撫按往
來。欣然自得也。沐天波至楚雄。定洲率衆追之。是時
楚雄新爲吾必奎所破。金滄道副使楊畏知奉調監
軍至楚。楚人留之。畏知遂駐楚。聞定洲西出。與天波

計守禦之具未集。曰公在楚。賊以全力聚攻。城必破。
公不如西走永昌。使楚得爲備。賊卽西追。恐楚塞其
後。留攻楚。又恐公從西來。首尾牽制。上策也。天波從
之。定洲至楚雄。城閉不得入。爲畏知所紿。遂去。遣其
黨王朔李石芳等分攻大理蒙化。陷之。屠殺以萬計。
畏知乘間徹城外居民盡入城。清四野。築隍陴。檄調
漢土兵馬。郡縣多遙應之。其明年丙戌。定洲恐畏知
截其歸路。又聞迤東祿永命龍在田等各自守。因不
敢至永昌。撤兵回。竭力攻楚雄。楚雄守具旣集。屢攻

捕寫如畫

不能下。一日畏知坐城樓。賊發巨礮擊之。烟燄所指。正。學。畏。知。賊。相。慶。謂。必。死。須。臾。烟。散。畏。知。端。坐。如。故。惟。擊。去。左。幘。耳。因。驚。歎。以。爲。神。畏。知。視。賊。懈。輒。出。奇。兵。奮。擊。前。後。所。殺。甚。夥。至。夏。賊。稍。稍。引。去。東。攻。石。屏。石。屏。守。亦。堅。復。回。攻。寧。州。破。之。永。命。死。至。嶠。峨。土。官。王。克。猷。走。死。于。路。龍。在。田。在。石。屏。懼。與。其。黨。許。明。臣。竄。大。理。定。洲。旣。定。迤。東。復。引。而。西。攻。楚。雄。分。兵。爲。七。十。二。營。每。七。營。各。爲。一。大。營。統。之。環。城。圮。濠。爲。久。困。計。畏。知。守。益。堅。終。不。能。入。又。明。年。丁。亥。張。獻。忠。被。誅。

于西充。其義男孫可望等率殘兵由遵義入黔。龍在田使人告變。且勸其至滇。可望因詐稱黔國焦夫人弟。率兵來復仇。雲南初苦沙亂。皆延頸望其來。不知爲賊也。三月可望等至滇。定洲解楚雄之圍。率衆禦于革泥關。大敗。遁歸阿迷。可望破曲靖。及交水。俱屠之。遂由陸涼宜良入省。宜良知縣方興佐率衆持羊酒迎。可望賊喜不入城。至省。巡撫吳兆元等迎于郊。巡按羅國瓛在曲靖被執。不從。帶至省。自焚于署前。通判朱壽琳以僉都御史奉差募兵于滇。亦不屈從。

容賦絕命詩。被殺。可望等因盡據城池。官署布列以居。法禁苛切。百姓失業流離。視昔較甚矣。旣而分遣李定國徇迤東諸郡。可望自率兵西出。楊畏知禦于啓明橋。兵敗被執。可望聞其名。不殺誘降之。曰。吾今已不爲賊。當與爾共扶明耳。畏知曰。果爾。當從吾三事。一不用獻忠僞號。二不殺百姓。三不擄婦女。可望皆許之。卽拆箭對誓。迤西得免屠戮。畏知之力也。可望至大理。龍在田許名臣迎降之。復以書諭沐天波。如與畏知言。天波遣子報命。永昌通判劉廷標上杭。

人。推官王運開。夾江人。俱不屈。自縊死。可望分兵入麗江。悉取其數代所畜。厚待天波子。陰使劉文秀隨之。疾馳度蘭津橋。至永昌。會天波與鄉官龔彝等於北城樓。遂携之。同楊畏知等俱至省。姚安舉人席上珍拒賊見執。至省被磔甚慘。李定國至臨安。臨安爲定洲部。目李阿楚駐守。拒戰甚力。定國穴地道置砲。砲發而城陷。阿楚赴火死。兵猶巷戰。定國怒。執城中紳衿兵民。盡戮之于城外白塲。所殺七萬八千餘人。而陣亡與自焚自縊者不與焉。初意遂襲阿迷。蒙自。

表章忠節
大小悉載
有功名教
之書
論

取定洲。聞晉寧有變。因盡掠臨安子女。而回過河西。在籍巡撫都御史耿廷錄。赴水死。其妻楊氏被執。亦不屈。見殺。至晉寧圍之。屠其城。并屠昆陽。呈貢歸化。所殺又數十萬人。先是昆陽有孔師程者。以從軍得官。糾合晉寧各城人拒賊。定國既至。師程入舟。遂去。晉寧知州石阡冷陽春。呈貢知縣嘉興夏祖訓俱死。之。定國又盡殺臨安被獲婦女于路。亦千餘人。江川知縣周柔強不迎。定國率衆屯于撫仙湖中之孤山。定國既至省。使人出擊。盡殲之。蓋迤東屠戮之慘。幾

正論

與蜀省同。而迤西獨免。宜。楚。雄。人。至。今。尸。祝。楊。畏。知。不。衰。也。然。城。亡。與。亡。大。節。不。奪。如。冷。陽。春。諸。人。亦。何。可。多。得。哉。可。望。定。國。既。俱。回。省。經。營。土。木。毀。南。城。民。居。萬。間。築。演。武。場。城。內。置。四。王。府。磚。石。毀。呈。貢。昆。陽。二。城。爲。之。可。望。文。秀。定。國。與。艾。能。奇。皆。僭。稱。王。在。籍。御。史。任。僕。等。又。倡。議。尊。可。望。爲。國。主。可。望。遂。置。六。部。等。官。以。僕。兼。吏。禮。二。部。尚。書。鑄。興。朝。通。寶。錢。括。近。省。田。地。及。鹽。井。之。利。俱。以。官。四。民。六。分。收。取。各。郡。縣。工。技。悉。歸。營。伍。以。備。軍。資。可。望。饒。機。智。既。據。有。全。滇。益。

海
九
自尊大。而其黨猶儕視之。李定國尤崛強。每事相阻
忤。明年戊子。可望與劉文秀等議縛定國于演武場。
聲其罪杖之百。既復相與抱持而哭。命定國取沙定
洲以贖罪。定國心憾之。念相推奉已久。無能與抗也。
初定洲歸屯兵洱華竜。與萬氏分險自守。其下湯嘉
賓。陳長命等。各據一山立營。相去數十里。爲犄角之
勢。私通交阻。借其援以固諸蠻心。一日偶集於嘉賓
營。定國偵得之。率兵遽至。圍以木城。困守三閱月。絕
其水源。諸蠻俱出降者相續。遂械定洲等數百人回



